





蜀鑑為宗南渡後之蜀言之也觀其敘述正事於  
所以保蜀與所以失蜀者三致意焉序中得之則  
失之則危竊之則亡似多預知有吳議之既而  
之亡宗必先取蜀固非如華陽國志錦里者  
相傳徒資地理學故已也方正學重刻序則為  
蜀王言之易曰背止者必指其所亡於此可以悟立  
言之法矣卯穀雨葦芒搢記

蜀鑑序

蜀在禹貢

梁州

南興

于岐

武野

之師者乃庸蜀羗豳微盧彭濮人說者謂文王化行  
江漢之所被信矣三代以來秦得蜀以并諸侯漢高  
由蜀漢以定三秦諸葛孔明三分天下僅有其一而  
伸大義于季漢非以其地西接峭函南連荆吳扼關  
河之勝則為右府之固合蜀之長則據上流之重  
險要雖控制一隅而形勝實關於天下歟  
中興南渡首吳尾蜀有常山之勢前褒後劔得金城  
之險乃眷西顧護蜀如頭目保蜀如元氣世歷百年

歲經三卯外有虎噬之虞內懷頽勞之憂而蜀之為  
蜀非全盛時比矣文子久仕于蜀身履目擊而動心  
焉燕居深念細繹前聞因俾資中郭允蹈緝為一編  
起自秦取南鄭迄于王師平孟昶凡地形之阨塞山  
川之險阻通雍而隣荆者稽之舊史按之圖志悉紀  
于篇西南夷為蜀後戶未形之憂難忽而已事之鑒  
可師則又條其本末而附之間又論其得失之要者  
定為十卷凡千三百年蜀事之大凡亦可以概見于  
此噫蜀在宇內九之一耳得之則安失之則危竊之  
則亡覽是書者可以鑒焉因名曰蜀鑑雲端平三年

十月朔旦昭武李文子序

蜀鑑序

宋端平中昭武李文子嘗仕于蜀蒐擇史傳自秦取南鄭至宋平孟昶上下千二百年事之一手蜀者為書十卷凡一統之離合地勢之險易賢才之衆寡攻守之得失與夫忠順致福之基逆亂取禍之原莫不畢舉而詳之名曰蜀鑑殿下受封茲土既篤志二帝三王之典以明道立德復縱觀史策考論臧否以為勸戒暇日覽是書而有取焉俾臣序之將重鋟而傳于世臣惟流峙不易者山川之形也變遷靡常者古今之事也形勢得之而後固事變得之而後安君不

得之則無以守其國臣不得之則無以守其身者萬  
世當行之道也蜀之形勢天下之險莫先焉然惟有  
道者處之行仁義之政盡忠順之禮<sub>維</sub>持人心之具  
膠結而不可解範防外患之方鞏固而不可陵則山  
若為之益高江若為之彌深關門不加譏呵而衆庶  
樂業福祥自至苟不循道上無以得乎君下無以宜  
乎民而欲恃江山以為守其果足恃乎是非成敗之  
已然者槩可見于此書矣恭惟 殿下之國甫五載  
寬大仁厚之政洽乎夷蠻忠孝慎恭之德聞于四方  
不怒而群臣知耻不殺而萬民畏威固已超乎千載  
之表尚何俟此書以為鑑抑書之意亦何俟臣之言  
而後明哉然聖智之慮不止于善一身安一時而必  
欲垂法子孫黎民以傳示後世夫後世至遠也子孫  
黎民至衆也欲至遠與至衆者皆若 殿下之心以  
保邦家于無窮則示之以往古之鑑非過也而臣承  
命而有言焉雖自知其過而亦不敢辭也漢中府學  
教授方孝孺撰

蜀鑑宋刻甚精藏于李蒲汀司徒司徒歿而子孫不能守遂為澶汾晁太史所得余尹滑乃從晁太史所借而錄之略記此書始末于首云時嘉靖乙卯夏日礪山主人佳允題

張佳允字肖甫四川銅梁人嘉靖二十九年進士官至兵部尚書明史有傳所云蒲汀司徒乃李廷相也

蜀鑑目錄

卷一

秦人取南鄭

秦人取蜀

秦人取漢中

秦人自蜀伐楚

漢高帝由蜀漢定三秦

公孫述盡有蜀地

光武得隴望蜀

岑彭吳漢由江道取蜀



卷二

曹操平張魯取漢中

昭烈君臣由江道入蜀

吳蜀分荊州

昭烈取漢中

關羽失荊州

蜀失漢中三郡

昭烈攻荊州不利

卷三

漢諸葛忠武侯北伐

蜀漢蔣琬費禕保蜀

姜維出師隴西

鄧艾鍾會取蜀

卷四

晉王濬自蜀平吳

李特入蜀

羅尚討李特

李雄入成都

羅尚抗李雄

李雄偽定蜀地

蜀人杜弼等流徙荆湘

元温討李勢

李壽縱獠于蜀

卷五

江左不用蜀

符堅取蜀

卷六

劉裕討譙縱

卷六

氏羗楊氏據武都

蜀刺史始不專用武人

魏邢巒謀伐蜀

梁魏爭漢中

西魏尉遲迥取蜀

卷七

唐明皇幸蜀

高崇文討劉闢

卷八

王建據蜀

岐蜀交爭

高季昌攻蜀夔州

後唐取蜀

卷八 蜀宗宗蜀

孟知祥董璋連兵據命

孟知祥圖蜀

孟知祥擊東西川全有蜀地

孟昶得階成秦鳳四州

周世宗伐蜀取四州

本朝王全斌下蜀

卷九 陳吳越不與俱入

西南夷本末上

卷十

西南夷始末下

蜀鑑目錄終

蜀鑑卷第一

秦人取南鄭

秦厲公二十六年秦左庶長城南鄭

秦躁公二年南鄭反

秦惠公十三年秦伐蜀取南鄭

南鄭本古褒國按酈道元水經注云東周之初鄭

桓公死于犬戎其民南奔居此因曰南鄭後為蜀

所併至是秦始取之

論曰常璩謂蜀以褒斜為前門則南鄭者蜀之扞  
敵也南鄭既入秦七十二年而蜀遂亡唇亡齒寒

也久矣後之經理蜀者可不鑒乎  
秦人取蜀

秦惠文王初更九年司馬錯伐蜀滅之

常璩華陽國志曰蜀王封弟葭萌號苴侯命其邑曰葭萌苴侯與巴王為好巴與蜀讐敵蜀王怒伐苴侯苴侯奔巴求救于秦惠方欲謀楚群臣議曰夫蜀西僻之國戎翟為鄰不如伐楚司馬錯曰蜀國富饒得其布帛金銀足給軍用水通于楚有巴之勁卒浮大船舫以東向楚楚地可得得蜀則得楚楚亡則天下并矣秋秦張儀司馬錯從石牛道

伐蜀蜀王自于葭萌拒之敗績開明氏遂亡凡王蜀十二世司馬錯等因取苴與巴焉又戰國策曰司馬錯欲伐蜀張儀曰不如伐韓王曰請聞其說對曰今天蜀西僻之國而戎狄之長也弊兵勞衆不足以成名得其地不足以為利爭名者于朝爭利者于市三川周室天下之市朝也而顧爭于戎狄去王業遠矣錯曰不然富國者務廣其地強兵者務富其民以秦攻蜀譬以狼逐羊也取其地足以廣國得其財足以富民繕兵不傷衆而彼已服矣故拔一國而天下不以為暴利盡西海諸侯不

以為貪是我一舉而名實兩附也今攻韓劫天子  
惡名也而未必利也不知伐蜀之完也惠王曰善  
起兵伐蜀取之蜀既屬秦益強富輕諸侯其葭萌  
在今利州石牛即今大安軍金牛鎮

秦惠文王十一年封子通國為蜀侯以陳壯為相置  
巴郡以張若為蜀國守移秦民萬家實之

秦惠文王十四年陳壯反殺蜀侯通國秦遣甘茂張  
儀司馬錯復伐蜀誅陳壯

秦武王元年封子恽為蜀侯  
秦昭襄王六年蜀侯恽反司馬錯定蜀封子綰為蜀

王

秦昭襄王二十二年王誅蜀侯綰但置蜀守張若取  
符及江南地

論曰秦人取蜀以王其親子弟三而卒皆殺之歷  
三十二年而始定其取之不亦難乎初置守張若  
而定黔中繼用李冰而始平水害蜀自是安寧而  
漢高帝用之以取三秦其所係不亦重乎

秦人取漢中

秦惠文王十三年秦庶長章攻楚漢中取地六百里  
分巴蜀置漢中郡

秦孝公初楚自漢中南有巴黔之地孝公招戰士  
明功賞國以富強至是惠文王既取蜀遂乘勝取  
楚地六百里又分巴蜀置漢中焉

論曰按南鄭自南鄭漢中自漢中南鄭乃古褒國  
秦未得蜀以前先取之漢中乃今金洋均房等州  
六百里是也秦既得漢中乃分南鄭以隸之而置  
郡焉南鄭與漢中為一自此始春秋楚人秦人巴  
人滅庸即今金房兩州地西漢地理志漢中郡治  
西地今金州上庸郡是也漢中乃秦楚巴蜀必爭  
之地秦得之而全據上流以謀楚矣

昭襄王十三年任鄙為漢中守

昭襄王二十年王之漢中

秦人自蜀伐楚

昭襄王二十七年司馬錯發隴西因蜀伐楚黔中拔

之

昭襄王三十年蜀守張若伐楚取巫郡及黔南為黔

中郡

華陽國志云錯率巴蜀衆十萬大船舡萬艘米六  
百萬斛浮江伐楚 巫郡在今巫山縣及施州黔  
中郡即今涪黔鼎澧諸郡皆黔中地

論曰秦併六國自得蜀始蓋與秦為怨者楚也秦既取蜀取漢中又取黔中則斷楚人之右臂而楚之勢孤矣劫質懷王操縱予奪無不如意于是滅六雄而一天下豈偶然哉由得蜀故也

漢高帝由蜀漢定三秦  
漢元年春正月沛公為漢王王巴蜀漢中都南鄭  
秦始皇分天下為三十六郡巴蜀漢中居其三割南鄭以隸漢中漢因建都于此

漢王欲攻項羽蕭何諫曰雖王漢中之惡不猶愈乎死乎語曰天漢其稱甚美臣願大王王漢中養其民以致賢人收用巴蜀還定三秦天下可圖也漢王令張良厚遺項伯使盡請漢中地項王許之漢王從杜南入蝕中張良送至褒中良說漢王燒絕棧道

杜南在今京北府萬年縣古杜伯國也蝕中入漢中道川谷寰宇記曰褒口在褒城縣北北口曰斜南口曰褒同為一谷自褒谷至鳳州界一百三十里始通斜谷斜口在鳳翔府郿縣谷中褒水所流穴山架木以行張良勸漢王燒絕棧道以備諸侯盜兵且示項羽無東意今地名石門



漢王至南鄭拜韓信為大將  
諸將及士卒皆謳歌思歸多道亡者韓信亦去蕭  
何追之信說漢王還定三秦遂聽信計今興元南  
鄭縣米倉山有追賢嶺韓信廟或云蕭何追信于  
此  
漢王留蕭何收巴蜀租給軍糧食秋八月引兵從故  
道出襲雍章即迎戰陳倉敗走止戰好畤又敗走遂  
定雍地

華陽國志曰漢祖自漢中出三秦伐楚蕭何發蜀  
漢米萬斛而給助軍糧又曰巴郡有實民多居渝  
水左右天性勁勇初為漢前鋒陷陣銳氣喜鬪帝  
善之曰此武王伐紂之歌也今樂人習學之謂之  
巴渝舞。故道在今鳳州兩當縣陳倉在鳳翔府  
寶鷄縣好畤在鳳翔府天興縣

論曰漢高帝留漢中未幾反其鋒以向關中足跡  
雖未嘗至蜀然所漕者巴蜀之軍糧陷陣者巴渝  
之勁勇由故道戰陳倉定雍地而王業成矣孰謂  
由蜀出師不可以取中原哉

公孫述盡有蜀地  
漢更始元年公孫述自稱益州牧

述茂陵人王莽以為導江卒正治臨邛南陽宗成等起兵徇漢中以應漢述遣使迎成等選精兵迎擊殺之併其衆假漢使者自稱益州牧按王莽改蜀郡為導江太守為卒

更始將李寶張忠徇蜀漢述遣其弟恢擊寶忠于綿竹大破之述自立為蜀王都成都  
光武建武元年述遣其將侯丹取南鄭

延岑反圍南鄭更始所立漢中王嘉初擊敗之岑復反嘉兵敗走岑遂據漢中進兵武都為更始將李寶所破岑走天水述遂遣其將侯丹取

南鄭嘉收散卒數萬人以李寶為相從武都南擊侯丹不利還軍河池下辨復與延岑連戰岑引北入散關至陳倉嘉追擊破之岑屯杜陵與赤眉將逢安戰大破之漢中王嘉亦與赤眉將廖湛戰于谷大破之光武令鄧禹招嘉嘉因來歙請降延岑自武關走南陽述遂有漢中地

武都今階州天水今秦州河池今鳳州下辨今成州散關今大散關谷口在今鳳翔府郿縣武關今商州南陽今登州  
述遣其將任滿據扞關

李熊說述東拒扞閔述遣滿從閔中下江州據之  
○史記張儀說楚曰秦西有巴蜀大舡下水而浮  
一日二百餘里不至十日而拒扞閔扞閔驚則黔  
中巫郡非王之有矣史記索隱以為扞閔即魚復  
江閔今瞿唐閔顏師古注輿地廣記郡縣志皆仍  
其說惟後漢史注扞閔在今峽州巴山縣樂史寰  
宇記峽州長楊縣有古扞閔城存即巴山縣地此  
為得之扞閔寔楚地史記稱楚肅王所築今巫郡  
江閔則乃屬巴地故張儀云拒扞閔則黔中巫郡  
非秦有拒抵也至若黔中巫郡皆在楚扞閔之外  
也蓋扞閔乃楚之扞閔江閔乃巴蜀之江閔也述  
據扞閔則荆門虎牙在扞閔之內皆其設險之地  
豈肯先自隘而但守魚復之江閔哉故辨之以正  
地理之闕江州縣名今重慶府閬中今閬州  
述遣其將李育程烏屯陳倉馮異迎擊大破之  
述聚兵數十萬人積糧漢中遣李育程烏將數萬  
衆出屯陳倉狗三輔馮異擊走之育烏俱奔漢中

陳倉在鳳翔寶雞縣

光武得隴望蜀

建武八年來歙伐隗囂拔略陽

隗囂據隴右歛將二千餘人襲略陽斬守將金梁  
囂大驚曰何其神也帝聞得略陽甚喜曰略陽在  
所依阻心腹已壞則制其支體易矣○略陽在今  
秦州隴城縣

隗囂圍略陽公孫述遣將李育田弇助之囂盡銳攻  
略陽累月不能下

夏四月帝自征隗囂至高平河西竇融來朝

高平今鎮戎軍高平寨古安定地

隗囂將妻子奔西城

西城今金州西城縣

吳漢岑彭圍西城耿弇蓋延圍上邽九月乙卯車駕  
還宮

帝自上邽晨夜東馳賜岑彭等書曰兩城若下便

可將兵南擊蜀虜人若不知足既平隴復望蜀每

一發兵頭須為白岑彭擁谷水灌西城城未沒丈

餘會王元等將蜀救兵五千乘高卒至鼓譟大呼

曰百萬之衆方至漢軍大驚元等決圍死戰遂得

入城迎囂歸冀城冀城在今秦州隴城縣上邽在

今秦州

隗囂病死子純立

帝使來歙護諸將屯長安遂討隗純于天水十月攻破之純降

歙上書曰公孫述以隴西天水為藩蔽故得延命假息今二郡平蕩則述智計窮矣

公孫述使王元拒河池來歙蓋延進攻大破之遂克下辨

隗囂將王元降述述使拒河池歙與蓋延等破之遂克下辨乘勝而進蜀人大懼○河池今鳳州下辨今成州同谷縣

盜殺來歙

王元遣刺客殺歙歙以蓋延領其軍

岑彭吳漢由江道取蜀

建武五年岑彭自夷陵屯津鄉

田戎據夷陵岑彭攻拔之獲其衆萬餘人戎亡入

蜀述以戎為翼江王岑彭謀伐蜀以夾州殺少水

險難漕留馮駿軍江州田鴻軍夷陵李玄軍夷道

自引兵還屯津鄉當荊州要會喻告諸蠻夷降者

奏封其君長○夷陵今峽州夷陵縣夷道今峽州

宜都縣津鄉左氏傳曰楚子大敗于津鄉後漢志

云江陵有津鄉寰宇記云津鄉故城在今江陵縣

東渚宮即其池

建武六年公孫述使田戎出江閔招其故衆欲取荆州不克

江閔漢地理志云江閔都尉理魚復注水經云白帝山北緣馬嶺接赤甲山南北相去八十五丈東西七十丈東傍瀼溪西南臨大江瞰之眩目惟馬嶺小差逶迤猶斬山為路羊腸數轉然後得上公孫述據蜀自以金承土運故號曰白帝城寰宇記云赤甲城公孫述築不生樹木土石悉赤如人袒臂故曰赤甲與舊白帝城相連皆在縣北即江

閔之要也在今夔州奉節縣

建武九年春述遣田戎下江閔據荊門虎牙述遣其將田戎任滿程汎將數萬人下江閔擊破馮駿等軍遂拔巫及夷道夷陵因據荊門虎牙

江水起浮橋閔樓立攢柱以絕水道結營跨山以塞陸路拒漢兵。荊州記云南荊門北虎牙二山臨江楚之西塞酈道元注水經云公孫述依二山作浮橋拒漢師下有急灘名虎牙灘郭璞江賦曰虎牙桀立以屹岸荊門闔竦而盤礴淵九回以高騰溢流雷响而電激寰宇記云虎牙山有石壁其

色黃間有白文亦有牙齒形夷陵志云上有城下有十二碛有灘甚惡在今峽州

建武十一年春岑彭破夷陵入江關

江州

彭

岑彭數攻田戎等不克帝遣吳漢率劉隆等三將發荊州兵凡萬餘人騎五千匹與彭會荊門彭裝戰舡數十艘吳漢以棹卒多費糧穀欲罷之彭以為蜀兵盛不可遣上書言狀帝曰大司馬不曉水戰荊門之事由公而已閏月彭募攻浮橋先登者賞于是偏將軍魯奇應募而前東風狂急奇舡逆流直衝浮橋攢柱有反把鉤奇舡不得去奇等乘勢殊死戰因飛炬焚之風怒火盛檣橋崩燒彭悉軍順風並進所向無前蜀兵溺死者數千人斬任滿擒程汎而田戎走保江州彭率臧宮劉歆長驅入江關彭到江州以其城固糧多難卒拔留馮駿守之自引兵乘利直指墊江攻破平曲收其米數十萬石吳漢留夷陵裝靈橈繼進墊江即今合州平曲未詳然彭既指墊江從涪水上平曲則在今遂寧潼川之境也

述使其將延岑呂鮪王元公孫恢拒廣漢及資中又

遣侯丹拒黃石

漢立廣漢郡資中今資州資陽縣乃中水經歷之地寰宇記云黃石在今涪州涪陵縣有橫石灘岑彭已上墊江則述拒廣漢以備涪水屯資中以備江陽又先遣侯丹率二萬人以拒黃石則逆拒于江州之先也

岑彭自墊江還江州泝都江襲擊侯丹大破之使臧宮拒延岑于涪水大破之彭遂進拔武陽

彭使臧宮將降卒五萬從涪水上平曲拒延岑自分兵浮江下還江州泝都江而上襲擊侯丹大破之因晨夜倍道兼行二千餘里經拔武陽使精騎馳擊廣都去成都數十里勢若風雨所至皆奔散初述聞漢兵在平曲故遣大兵逆之及彭至武陽繞出延岑軍後蜀地震駭述大驚以杖擊地曰是何神也延岑盛兵于沅水臧宮以轉輸不繼降者欲散畔會帝遣謁者將兵詣岑彭有馬七百匹宮矯制取以自益晨夜進兵多張旗幟登山鼓譟右步左騎挾舡而引呼聲動山谷岑大震恐因縱擊大破之斬首溺死者萬餘人延岑奔成都其衆悉降自是降者以十萬數王元舉衆降○後漢志沅



水當為沈水注水經云沈水自廣漢郡入涪江今  
按中江縣有一水入涪臧宮旋平綿竹必自今中  
江水也

論曰延岑自廣漢入涪水以拒墊江今合而岑彭

下墊江由江州復上都江拔武陽武陽今彭山縣

重慶府上此蜀人所以為神也史謂自都江倍道

兼行二千里至武陽蓋夸詞之誤矣

冬十月盜殺岑彭于武陽十有二月吳漢將三萬人

沂江而上

述使刺客詐為亡奴降岑彭刺殺彭監軍鄭興領

其營以俟吳漢至而授之

建武十二年春正月吳漢進拔廣都

吳漢破述餘黨于武陽帝詔漢直取廣都據其心

腹漢乃進軍攻廣都拔之

秋七月馮駿拔江州獲田戎臧宮拔綿竹破涪城斬

公孫恢

吳漢入成都述自殺誅延岑

論曰光武得隴望蜀其勢若易矣而功反難岑彭

沂流討蜀其勢若難矣而功反易何耶以下辨河

池皆武都之阨塞述能守之誠未易窺而瞿唐為

蜀之天險述不之守而遠恃荆門虎牙以為固浮  
橋一燎而述之技窮矣然光武中興復漢舊物述  
猶陸梁一隅斗絕之蜀此其見與井蛙何異身死  
族滅非不幸也

蜀鑑卷第一終

蜀鑑卷第二

曹操平張魯取漢中

漢獻帝初平二年益州牧劉焉遣張魯襲漢中劉焉  
在益州陰圖異計沛人張魯自祖父陵以來為五  
斗米道居于蜀焉乃以魯為督義司馬掩殺漢中  
太守蘇固斷絕斜谷閣殺害漢使建安五年劉璋  
襲父焉位魯以璋闇懦不復承順襲別部司馬張  
修殺之而并其衆魯遂據漢中與璋為敵  
建安二十年曹操擊張魯自武都入氐氐人塞道遣  
張郃朱靈攻破之

武都今階州同谷武興等地舊有白馬氏據之  
操自陳倉出散關至河池屠氏王寶茂衆萬餘人  
秋七月操至陽平魯遣其弟衛等據陽平關操遣將  
夜襲破之魯潰奔巴中操遂入南鄭

軍自武都山行千里升降險阻操于是大饗軍士  
七月至陽平魯使弟衛與將楊昂等據陽平關橫  
山築城十餘里攻之操乘險夜襲大破之魯潰奔  
巴中操入南鄭盡得府庫珍寶。

陽後漢史注周

地圖記曰褒谷西北有古陽平關其地在今梁州  
褒城縣西北也又按寰宇記褒城縣有漢陽關在  
縣西北漢時所立也先主破夏侯淵于其地水經  
又注云白馬城亦名灑口有陽平關在今西縣西  
縣乃古沔陽去褒城縣七十里邑名遷徙未可知  
也郡縣志因謂曹操昭烈孔明皆嘗至關下未嘗  
越關則誤矣今大安軍五里亦有陽平關頗險要  
然非舊迹也

十二月操留夏侯淵張郃守漢中

操之留淵郃也以雞肋示外人外人莫察主簿楊  
修獨曰夫雞肋棄之如可惜食之無所得也

論曰曹操受夷群雄偽定一時再入漢中而不能

下殆強弩之末非真不可向也抑天留以遺昭烈  
孔明使萬世之三綱賴以不泯耶  
昭烈君臣由江道入蜀  
建安十六年昭烈自荊州將數萬人入蜀至江州北  
由墊江水詣涪

昭烈帝在荊州三顧諸葛亮于草廬問以計策亮  
曰荊州北據漢沔利盡南海東連吳會西通巴蜀  
此用武之國而其主不能守此殆天所以資將軍  
將軍豈有意乎益州險塞沃野千里天府之土高  
祖因之以成帝業劉璋暗弱張魯在北民殷國富  
而不知存恤智能之士思得明君將軍既帝室之  
胄信義著于四海揔攬英雄思賢如渴若跨有荆  
益保其巖阻西和諸戎南撫夷越天下有變則命  
一上將將荊州之軍以南宛洛將軍身率益州之  
衆出于秦川百姓孰敢不箝食壺漿以迎將軍者  
乎誠如是則霸業可興王室可成矣昭烈既破曹  
操張松說璋遣法正迎昭烈于荊州法正陰勸昭  
烈取益州昭烈疑未決龐統復贊之昭烈乃留諸  
葛亮守荊州以趙雲領留營司馬昭烈將步卒數  
萬人入益州自江州北由墊江水詣涪去成都三

百六十里璋率步騎三萬人往會之歡飲百餘日  
○按昭烈自今重慶府入合州江路上水至涪即  
今綿州唐乾符間王助綿州富樂山碑云昭烈入  
蜀劉璋延之此山望見蜀之富盛飲酒樂甚故得

名婦味是國歸天下與王室下知久師無功對曹  
璋推昭烈為大司馬使擊張魯昭烈至葭萌計軍  
璋增昭烈兵厚加資給使擊張魯又令督白水軍  
璋還成都昭烈北到葭萌未即討魯○白水軍按  
後漢史注公孫述將侯丹開白水關城西南有水  
關葭萌在今利州

昭烈自葭萌襲蜀進據涪城

劉璋斬張松昭烈大怒召白水軍督楊懷高沛責  
以無禮斬之勒兵徑至閬頭并其兵遂進據涪城

○涪城今綿州

建安十八年昭烈圍雒城

雒城今雒縣

建安十九年諸葛亮留關羽守荊州遂與張飛趙雲  
沂流克巴東至江州破巴郡太守顏嚴生獲之分遣

趙雲從外水定江陽犍為飛定巴西德陽

法正與劉璋書曰今張益德數萬之衆已定巴東

入犍為界分平資中德陽三道並進將何以禦之  
又魚復與閔頭寔為益州禍福之門今二門悉開  
數道並進已入心腹愚以為可圖變化以保尊門  
○秦滅巴置巴郡治江州江州縣名今重慶府巴  
縣是也劉焉分巴為一墊江已上為巴西治安漢  
今果州墊江以下為巴東治江州墊江今合州是  
也江陽今瀘州犍為今資榮嘉眉等地德陽今遂  
寧府趙雲自外水至瀘州分定資中嘉眉等地張  
飛自重慶入合州定遂寧果州等地爾又法正稱  
益德入犍為界分平資中德陽此正在雒城與張  
書非能遙度于千里之外者飛自墊江上未嘗入  
犍為資中也

昭烈進圍成都劉璋出降

雒城潰進圍成都諸葛亮張飛趙雲引兵來會馬  
超自武都密書請降昭烈令引兵屯城北城中震  
怖圍城數十日璋遂出降

吳蜀分荊州

建武二十年閔羽屯江陵吳孫權遣諸葛瑾求荊州  
諸郡昭烈不許呂蒙取長沙桂陽兩郡零陵太守郝  
普固守

晉權令諸葛瑾從備求荊州諸郡昭烈不許曰吾方  
圖涼州涼州定乃盡以荊州相與耳權曰此假而  
不反欲以虛辭引歲者也遂置長沙零陵桂陽三  
郡長史關羽盡逐之權遣呂蒙督兵二萬以取三  
郡長沙桂陽皆望風歸服惟零陵太守郝普城守  
不降○長沙在今潭州零陵在今永州桂陽在今  
郴州

昭烈至公安遣關羽至益陽爭三郡吳孫權進住陸  
口魯肅屯益陽以拒羽郝普以零陵降呂蒙

權遣書召呂蒙舍零陵急還助魯肅蒙得書秘之  
夜召諸將授以方略晨當攻零陵遣客語郝普以

昭烈在漢中關羽在南郡無外援可恃普惧出降

蒙即日引軍赴益陽○安在今江陵府陸口在今

鄂州蒲圻縣寰宇記有孫權城益陽在今潭州益

陽縣寰宇記云有魯肅城常德府沅江縣有關羽

屯兵之處名曰關州沅江亦益陽縣境魯肅關羽

會語于此

昭烈求和于吳遂分荊州以湘水為界長沙江夏桂

陽以東屬吳南郡零陵武陵以西屬漢

昭烈聞曹操攻漢中遣使通好于權遂中分荊州

○江夏在今鄂州南郡今江陵府武陵今常德府  
論曰荊州首吳尾蜀據腹心之會合二長以向中  
原可也跨有荆益保其巖阻次也若中分而與吳  
共之則吳可以攻而蜀不可以守公孫述之用于  
夷陵是已惜哉昭烈君臣奮興之晚而三分天下  
僅有區區之一隅也

昭烈取漢中

建安二十一年張飛大破張郃軍于宕渠劉  
曹操既定漢中留夏侯淵張郃守之黃權言于昭  
烈曰若失漢中則三巴不振此為割蜀之股臂也  
操使張郃督諸軍徇三巴欲徙其民于漢中進軍  
宕渠巴西太守張飛與郃相拒五十餘日飛襲擊  
郃大破之郃走還南鄭

建安二十二年昭烈率諸將進兵漢中遣張飛馬超  
吳蘭等屯下辨曹操遣曹洪拒之

法正說昭烈曰曹操一舉而降張魯定漢中不因  
此以圖巴蜀必有內憂故耳今舉衆取漢中必可  
克之克之之日廣農積穀觀釁伺隙上可以傾覆  
寇敵中可以廣拓境土下可以固守要害此不可  
失也昭烈下辨今成州同谷縣



建安二十三年魏曹洪及吳蘭戰于固山蘭敗死之  
○洪將擊吳蘭張飛屯固山聲言欲斷軍後衆議  
狐疑曹休曰賊寔斷道者當伏兵潛行今乃先張  
聲勢此其不能明矣宜乘其未集促擊蘭蘭破飛  
自走矣洪從之進擊破蘭殺之張飛馬超走○固  
山未詳

### 昭烈屯陽平關

夏侯淵張郃徐晃等與之相拒昭烈遣陳式等絕  
馬鳴關道徐晃擊破之張郃屯廣石昭烈攻之不  
能克急書發益州兵諸葛亮以問楊洪洪曰漢中  
益州咽喉存亡之機會若無漢中則無蜀矣此家  
門之禍也男子當戰女子當運發兵何疑○馬鳴  
閣寰宇記曰在今利州昭化縣按蜀志曹操曰此  
水閣乃過漢之平陰咽喉之要路恐非昭化也廣石  
陽平關西有礦石關

建安二十四年昭烈自陽平破夏侯淵于定軍山斬  
淵首

昭烈與夏侯淵相拒踰年昭烈自陽平南渡沔水  
緣山稍前營于定軍山勢淵引兵爭之法正曰可  
擊矣遂使黃忠乘高鼓譟攻斬淵及趙顯張郃引

軍還陽平明日昭烈欲渡漢水攻卻諸將以衆寡不敵依水為陳以拒之郭淮謂卻曰不知遠水為陳引而致之半濟而後擊之可破也既陳昭烈疑不渡淮遂固守○定軍山在今興元府西縣興勢山在今洋州興道縣有興勢山

水  
三月曹操自長安出斜谷至漢中趙雲破其軍于漢

操自長安出斜谷軍遮要以臨漢中昭烈曰曹操雖來無能為也我必有漢川矣乃斂衆拒險終不交鋒操運米北山下黃忠引兵欲取之過期不還

趙雲將數十騎出營視之值操揚兵大出雲猝與相遇遂前突其陳且鬪且却魏兵散而復合追至營下雲入營更大開門偃旗息鼓魏兵疑雲有伏引兵還雲擂鼓震天惟以勁弩于後射魏兵魏兵驚駭墮漢水中死者甚多明日昭烈自來至雲營視昨戰處曰子龍一身都為胆也  
遮要興元記云曹操城在縣西北十七里斜谷口遮要置軍處

夏五月操與漢中諸軍還長安  
操後嘗語人曰南鄭直為天獄中斜谷道為五百

里石穴耳  
昭烈遣孟達從秭歸北攻房陵下之遣劉封乘沔水  
與達會攻上庸太守申耽舉郡降

以耽為上庸太守耽弟儀為西城太守定漢中地  
○秭歸今歸州房陵今房州上庸西城皆今金州  
地即漢地理志漢中諸郡也

秋七月昭烈即漢中王位于沔陽以魏延領漢中太  
守

沔陽今興元府西縣

關羽失荊州

建安二十四年關羽自江陵攻樊大破于禁龐德于  
漢水

關羽使糜芳守江陵傅士仁守公安自率衆攻曹  
仁于樊仁使于禁龐德等屯樊北八月大霖雨漢  
水溢平地數丈于禁等七軍皆沒禁等登高避水  
羽乘大舡就攻之于禁遂降殺龐德○樊城在今  
襄陽府

羽圍樊城

羽急攻樊城城得水往往崩壞衆皆洶懼滿寵謂  
曹仁曰今若遁去洪河以南非復國家有也乃沉

白馬為盟同心固守羽乘舡臨城立圍數重外內斷絕羽又遣別將圍呂常于襄陽荊州刺史胡修南陽太守傅方皆降于羽羽威震華夏操議徙都以避其銳

呂蒙襲江陵取之關羽退走死于章鄉孫權遂定荊州水為平賦...呂蒙屯陸口勸孫權取羽全據長江蒙遂稱病篤權檄蒙至蕪湖陰與圖計遣陸遜伐蒙屯陸口遜深自謙抑為盡忠自託之意于羽羽意大安稍撤兵以赴樊羽得于禁等八馬數萬糧食乏絕擅取

權湘閔米權聞之遂發兵襲羽以呂蒙為大督孫權上疏曹操請討羽自效羽聞之猶豫不能去會傅方胡修皆死羽遂撤樊城之圍呂蒙至尋陽羽所置江陵守糜芳公安守傅士仁皆降蒙入江陵撫其將士封府庫以俟權至羽聞南郡破即走南還權至江陵荊州將吏悉皆歸附獨治中從事潘濬稱疾不見權輿致之即遣濬平武陵斬其從事樊佃以陸遜領宜都太守關羽西保麥城權命朱然斷其徑路獲羽及其子平于章鄉斬之遂定荊州陸口今鄂州蒲圻縣蕪湖今太平州尋陽今

江州武陵今鄂州宜都今峽州宜都縣麥城在沮水上水經注沮水又迳麥城西荆州記云麥城東有驢城西有磨城伍子胥造此二城攻麥城俗諺云東驢西磨麥自破章鄉在漳水上水經漳水出臨沮縣東荆州又東過章鄉南荆州記云即楚交城古老相傳楚昭王所築並在今荆門軍當陽縣

蜀失漢中三郡

蜀漢章武元年孟達以上庸降魏

將軍孟達屯上庸與劉封不協封侵凌之達率部曲四千餘家來降魏主丕合房陵上庸西城三郡為新城以達領新城太守委以西南之任行軍長史劉曄曰達有苟得之心而恃才好術新城與劉孫接連若有變態為國生患達與夏侯尚等共襲劉封上庸太守申耽叛封降魏封破走還成都丞相亮勸昭烈除之遂賜封死達後入城登白塞嘆曰劉封申耽據金城千里而失之乎。上庸西城今金州縣房陵今房州

昭烈攻荆州不利

章武元年昭烈自率諸軍擊孫權張飛自閬中會江州飛將張達范疆殺飛以奔孫權

章武三年昭烈至秭歸遣黃權督江北諸軍昭烈屯于夷道猓亭

昭烈自秭歸將進擊吳黃權諫曰吳人悍戰而水軍沿流進易退難請為先驅以當敵昭烈不從以權為鎮北將軍自率諸將自江南緣山截嶺軍于夷道猓亭吳將皆欲迎擊之陸遜曰蜀軍緣山行軍勢不得展自當罷于木石之間徐制其敵矣漢人自狼山通武陵使馬良以金銀賜五溪諸蠻夷授以官爵

猓亭在今峽州夷陵縣蹤跡夷滅已不可考狼山

在今峽州長揚縣武陵今常德府

昭烈敗績于猓亭

漢人自巫峽建平連營至夷陵界立數十屯以馮習為大督張南為前部督自正月與吳相拒至六月不決陸遜上疏于孫權曰夷陵要害國之関限雖為易得亦復易失失之非徒損一郡之地荊州可憂今敵師舍舡就步處處結營察其布置必無它變諸將先進攻一營不利遜曰吾以曉破之之術乃教各持一把茅以火攻拔之遂率諸軍同時俱攻斬張南馮習等破其四十餘營昭烈升馬

鞍山陳兵自統遜督促諸軍四面蹙之死者萬數  
昭烈夜遁驛人自擔燒饒鎧斷後僅得入白帝城  
傳彤為後殿死之馬良亦死于五溪黃權在江北  
率其衆降魏 建平在今歸州馬鞍山在猗亭夷  
陵志云夷陵要害南有石鼻馬鞍猗亭寰宇記云  
今歸州巴東縣有石門山山有石逕深若重門劉  
主為陸遜所破燒鎧斷道然後得免  
論曰閔雲長以萬人之敵卧護荊州昭烈君臣以  
為長城而輕躁寡謀墮呂蒙之詭計昭烈勇于一  
決以爭荊州君臣于是俱失之矣或謂是役也昭  
烈不自將而孔明長嘯以下荊州則何如曰非孔  
明之志也孔明固謂孫權可與為援而不可圖又  
謂國賊曹操非孫權又謂法孝直在必能諫上此  
行孔明蓋亦難之矣曰然則荊州遂可置之度外  
乎曰向使雲長自江陵出襄陽而益德黃權有一  
人焉為居守之計則固可震撼中原而無後顧之  
憂矣雲長既死雖孔明亦末知之何也

巴西太守閻芝遣馬忠將五千人至永安

章武四年諸葛亮至永安昭烈崩于永安永安今夔  
州奉節縣

蜀鑑卷第二 終

蜀鑑卷第三

漢諸葛忠武侯北伐

蜀漢建興五年丞相亮出屯漢中營沔北陽平石馬  
陽平沔之北石馬或云陽平關北有白馬山石當  
作白字之誤也

建興六年丞相亮出師攻祁山天水南安安定皆降  
亮與群下謀之丞相司馬魏延請假精兵五千負  
糧五千直從褒中出循秦嶺而東當子午而北不  
過十日可到長安公從斜口來亦足以達亮以為  
此危計不如安從坦道可以平取隴右不用延計



亮揚聲由斜谷取郿使趙雲鄧芝為疑軍據箕谷  
亮身率大軍攻祁山戎陣整齊號令明肅于是天  
水南安安定皆叛應亮關中響震○祁山在西和  
州長道縣東寰宇記云上有城極嚴固開山圖云  
祁山九州之名阻天下之奇峻又云南岨北岨萬  
有餘家諸葛亮表云祁山縣去沮五百里有人萬  
戶沮在今沔州天水南安今秦州地安定今涇州  
地三郡即隴右也郿今鳳翔府郿縣箕谷今鳳翔  
府寶雞縣子午谷王莽所通從杜陵直絕南山徑  
漢中從今洋州路

魏遣將張郃拒亮馬謖與郃戰于街亭敗績天水三  
郡復入于魏

亮以馬謖督諸軍在前與張郃戰于街亭謖違亮  
節度舉措煩擾舍水上山不下據城張郃絕其汲  
道擊大破之亮乃拔西縣千餘家還漢中收謖下  
獄殺之趙雲鄧芝亦敗于箕口天水三郡復入于  
魏○街亭今秦州隴城縣有街泉亭即馬謖所敗  
之地寰宇記又南鄭載之誤矣西縣隴西郡有西  
縣今興元府有諸葛亮城樂史云亮拔隴西千餘  
家築城以處之

冬丞相亮出散關圍陳倉不克師還魏將王雙追亮亮破其師斬之

亮上言曰漢賊不兩立王業不偏安以先帝之明固知臣伐賊才弱敵強然不伐賊王業亦亡與其坐而待亡孰與伐之今民窮兵疲而事不可息事不可息則任之與行勞費正等臣鞠躬盡力死而後已至于成敗利鈍非臣之明所能逆睹魏使却昭守陳倉亮不能克糧盡引去○散關今大散關陳倉今鳳翔寶雞縣城是也寰宇記云陳倉有二城相連上城是秦文公築下城却昭築蘇天水三

八年丞相亮攻武都陰平二郡拔之

亮遣其將陳戒攻武都陰平二郡郭淮引兵救之亮自出至建威淮退遂拔二郡以歸曹操嘗徙

武都氏五萬餘落于秦州故丞相亮得取其地建威水經注漢水又西建安川入焉導原建威西北鳳州圖經云梁泉縣有武侯城又有思討臺在城南武侯登臺籌畫因以為名華陽國志武都郡治下辨今成州一名武街有故道縣河池縣即鳳州也蓋武都乃今階成鳳州之地南鄭之喉襟武侯所必爭也陰平今文龍等州

丞相亮徙府營于南山原上築漢城于沔陽築樂城于城固為城氏令司馬鳳世之山所噴之昭烈即位于沔陽故漢中治沔陽今西縣是也以沔陽為漢城城固為樂城通鑑所書據常璩華陽國志寰宇記云西縣有樂城在山上周三十里亮築以防邊當考入西縣之山魏使司馬懿由西城張郃由子午曹真由斜谷來攻丞相亮次于城固赤坂

會天大雨棧道斷絕真等皆還。西城今金州子午在萬年縣斜谷今鳳翔府城固在興元府

建興九年春丞相亮出軍圍祁山始以木牛運魏司馬懿張郃救祁山夏六月師還郃追至青封破之郃中箭死

亮分兵留攻祁山自逆司馬懿于上邽郭淮等徵亮亮破之因大芟刈其麥與懿遇于上邽東懿歛軍依險兵不得交亮引還懿等尋亮至于鹵城亮既至又登山掘圍不肯戰賈詡魏平數請戰因曰公畏蜀如虎柰天下笑何懿病之乃使張郃向亮亮使魏延等逆戰魏兵大敗漢人獲甲首三千懿還保營六月亮以糧盡退軍懿遣張郃追之郃

進至木門與亮戰蜀人乘高車伏弓弩亂發飛矢  
中郤右膝而卒。上邽鹵城皆在今秦州青封通  
鑑云在今木門未詳。建興十年亮休士勸農于黃沙作流馬運黃沙  
寰宇記云漢水之東黃沙水注之水側有黃沙屯  
亮所開也今興元府有黃沙倉。建興十一年丞相亮使諸軍運米集斜谷伐魏夏四  
月至郿軍于渭水之南屯五丈原

司馬懿引軍渡渭背水為壘以拒之謂諸將曰亮  
若出武功依山而東誠為可憂若上五丈原諸將  
無事矣亮果屯五丈原郭淮言于懿曰亮必爭北  
原若跨渭登原連兵北向隔絕隴道搖盪民夷非  
我之利也乃使淮屯北原漢兵大至淮逆擊却之  
亮以前者數出皆以糧運不繼使已志不伸乃分  
兵屯田為久駐之基耕者雜于渭濱居民之間百  
姓安堵軍無私焉。五丈原在武功故縣今在鳳  
翔府郿縣注水經云積石原在渭水北即郭淮所  
據北原也。八月丞相亮薨于渭南國語碑云亮薨于真樂車側  
亮數挑戰懿不敢出亮遺遺巾幘懿患之上表請

戰魏主叡使辛毗杖節為軍師以制之亮謂其下  
曰彼本無戰情所以固請戰者示武于其衆耳將  
在軍君命有所不受苟能制吾豈千里而請戰耶  
相持百餘日亮疾病密授楊儀費禕等退師節度  
亮薨年五十四遺令塋定軍山不封不樹莫知所  
在。張宣公曰三代衰五伯起而功利之說盈天  
下謀國者不復知正誼明道之為貴三老董公獨得  
宏綱以告漢高帝惜漢高帝未能盡其用也武侯  
當漢祚之季乃能其机而用之其言曰漢賊不  
兩立臣鞠躬盡力死而後已至于成敗利鈍非臣  
之明所能逆睹嗚呼此夏少康四十年經營宗祀  
而卒以配天之本心也昭烈名義既正好賢之意  
又篤安得不以身許之侯恢復規模先務為根本  
之計務農訓兵內治國事國事既定北向致討軍  
旅將發拜表納忠尤為切至侯之慮深且遠矣侯  
已在目中不幸薨謝匪大數然歟或謂魏延之策  
惜侯不用不知天將昌漢以侯舉措掃禽亂賊直  
餘事耳行險僥倖非侯志也

後主延熙元年大將軍蔣琬出屯漢中

丞相亮之薨至是五年

延熙五年將軍姜維自漢中還屯涪縣

延熙六年大司馬蔣琬自漢中還住涪以王平督漢

中

先是蔣琬以丞相亮數出秦川糧運之絕迄無成功乃多作舟舡欲乘漢沔東下襲魏興上庸會舊疾連動未時得行漢人或以為事有不捷還路甚難非常策也後主遣費禕姜維等喻指琬乃上言魏跨帶九州未易速得志且當分裂蠶食摧其支

黨議以涼州胡塞之要進退有資且羗胡思漢如涓涓以維為涼州刺史若維征行街制河右臣當帥軍為維後繼今涪水陸四通惟急是應若東北有虞赴之不难請徙屯涪從之維遂徙屯琬自漢

中還住涪疾益甚以漢中太守王平督漢中吳步騭朱然亦上疏于吳王曰自蜀還者咸言蜀欲背盟與魏交通蔣琬守漢中聞司馬懿南向不出兵乘虛以掎角之反委漢中還近成都事已彰灼無所復疑宜為之備魏以西城為魏興郡在今金州上庸今房州涪今

綿州

論曰蔣琬委去南鄭稱疾屯涪無復遠畧非但不  
足于攻且不足于守然則所謂乘漢沔以復漢中  
保涼州而役氐羌殆虛語耳蜀之不競琬之罪也  
延熙七年魏大將軍曹爽由駱谷向漢中將軍王平  
拒興勢遣大將軍費禕往赴救魏師退禕還成都  
爽西至長安發卒十萬餘人與玄自駱谷入漢中  
漢中守兵不滿三萬諸將皆恐欲守城不出以待  
涪兵王平曰漢中去涪垂千里賊若得閬便為深  
禍今宜先遣劉敏據興勢平為後拒若賊分向黃  
金平率千入下自臨之比爾間涪軍亦至此計之  
上也遂帥前領據興勢多張旗幟彌亘百餘里遣  
大將軍費禕督諸軍救漢中爽兵距興勢不得進  
涪軍及費禕兵繼至遂引退禕進據三嶺以截爽  
爽爭險苦戰僅乃得過失之甚衆閬中為之虛耗  
○駱谷在鳳翔府盩厔縣西南一百二十里寰宇  
記云漢中道也興勢今洋州興道縣有興勢山  
駱谷入洋州上屈曲八十里下屈曲八十四盤黃  
金戍在縣西北張魯所築水陸艱險以黃金水得  
名三嶺閬名在弱嶺閬南陽嶺北

延熙八年大將軍費禕至漢中行圍守

延熙九年費禕還成都大司馬蔣琬卒

延熙十年雍涼羌胡叛降漢漢姜維將兵出隴右以

應之

延熙十一年大將軍費禕出漢中

延熙十二年衛將軍姜維出攻雍州不克而還

維至雍州依麴以築二城使句安守韶守之魏

郭淮陳泰禦之泰曰麴城固去蜀險遠當須運

糧可不血刃而拔其地也乃使泰率徐質鄧艾進

兵圍麴城斷其運道及城外流水安等挑戰不許

將士困窘分糧聚雪以引日月維引兵救之出自

牛頭山與泰相對泰曰兵法貴在不戰而屈人今

絕牛頭維無反道則我之禽也遣使白淮使淮趣

牛頭截其還路維從之進軍洮水維懼遁去安等

孤絕遂降鄧艾留屯白水北維遣其將廖化自白

水南向艾結營艾謂諸將曰維必自東襲取洮城

洮城在水北去艾屯六十里艾即夜潛軍徑到維

果夜渡而艾先至據城得以不敗漢軍遂退

延熙十三年姜維復入西平不克

延熙十四年大司馬費禕出屯漢壽



昭烈改葭萌為漢壽

延熙十六年盜殺大司馬禕于漢壽

姜維出師隴右

延熙十六年姜維出師圍狄道

姜維自以練西方風俗兼負其才武欲誘羌胡以

為羽翼謂自隴以西可斷而有每欲興軍大舉費

禕常裁制不從及禕死維得行其志乃將數萬人

圍狄道司馬師使郭淮陳泰拒之維糧盡退還。

陳壽蜀書云維圍南安狄道今熙渭州南安今鞏

州

延熙十七年姜維出師隴西拔狄道河間臨洮三縣

民居于綿竹繁縣

狄道長李簡密書請降于漢六月姜維出隴西自

狄道進拔河間臨洮徐質與維戰殺將軍張嶷漢

兵乃還。狄道今熙州渭州臨洮今洮州所治臨

潭縣河間當作河閔今西寧州龍支縣

延熙十八年姜維出師至狄道與魏將王經戰大破

之經退保狄道城維駐兵鍾提

維將數萬人至枹罕趨狄道魏陳泰救其將王經

進屯狄道須泰軍到東西合勢泰進軍陳倉經所

統諸軍于故閔與漢人戰不利經輒渡洮水與維  
戰于洮西大敗以萬餘人還保狄道城維進圍之  
鄧艾與陳泰并力拒維泰謂諸將曰姜維提兵深  
入當挫其銳氣王經與戰使賊得計經既破走維  
若進兵東向據揅陽積谷之實放兵收降招納羌  
胡東爭閔隴傳檄四郡此我之所惡也而乃以乘  
勝之兵挫峻城之下孤軍遠僑糧谷不繼是我破  
賊之時也遂進軍度高城嶺潛行夜至狄道東南  
高山上多舉烽火鳴鼓角維不意救兵卒至緣山  
急攻泰與交戰維遁走退駐鍾提。抱罕今河州

洮水源出西羌中北至抱罕東入河狄道今熙渭  
坊州地鍾提在古狄道縣

延熙十九年姜維出師攻祁山趣上邽鄧艾與戰敗  
績

姜維在鍾提鄧艾曰洮西之敗非小失也今彼以  
舡行吾以陸軍勞逸不同狄道隴西南安祁山各  
當有守彼專為一我分為四彼從南安隴西因食  
羌穀若趣祁山熟麥千頃為之外倉賊有點計其  
來必矣維率衆出祁山聞艾已有備乃回從董亭  
趣南安艾據武城山以拒之維與艾爭險不克其

夜渡渭東山緣山趣上却艾與戰于段谷大破之  
○狄道今熙州隴西今渭州南安今鞏州祁山今  
長道縣渭水出今隴州渭州之間上却今秦州段  
谷水出秦州清水縣東山下  
延熙二十年姜維出駱谷次于芒水西師出祁山各  
維聞魏分關中兵以赴淮南欲乘虛向秦川率數  
萬人出駱谷至沈嶺時長城積谷甚多卻艾進兵  
據之以拒維維壁于芒水數挑戰艾不應○駱谷  
在盤屋縣沈嶺寰宇記云姜維嶺在縣南五十里  
長城在華城華陰縣秦晉分界處芒水注水經云  
出南芒谷

景耀二年督漢中胡濟屯漢壽將軍王含守樂城護  
軍蔣斌守漢城

初昭烈留魏延鎮漢中實兵諸圍以禦外敵及姜  
維用事建議以為守諸圍適可禦敵不獲大利  
不若斂兵聚谷退就漢樂二城聽敵入平重關頭  
鎮守以捍之敵攻關不克千里運糧自然疲乏引  
退之日然後諸城併力搏之此殄敵之術也後主  
從之○漢城在沔陽今西縣樂城在成固今洋州  
杜佑通典云洋州郡之西鄉興道洋源皆為漢成

固舊地今非故境矣漢壽在今利州  
論曰蜀之門戶漢中而已漢中之險要在漢魏則  
陽平而已武侯之用蜀也固陽平之圍守而分二  
城以嚴前後之防其守也使之不可窺而後其攻  
也使之莫能禦此敵所以畏之如虎也今姜維之  
退屯漢壽也徹漢中之備而為行險僥倖之計則  
根本先撥矣異時鍾會長驅而入漢中曾無一人  
之守而敵已欣然得志初不必鄧艾之出江油而  
蜀已不支不待知者而後能見嗚呼姜維之亡蜀  
也殆哉

景耀五年姜維出師洮陽與鄧艾戰敗于侯和維退  
住沓中

侯和域名其後符秦使王撫守侯和

鄧艾鍾會取蜀

後主景耀六年魏遣鄧艾鍾會等伐蜀取之

魏大興徒衆命鄧艾鍾會諸葛緒等數道並攻姜  
維先表後主聞鍾會治兵關中欲規進取宜遣張  
翼廖化督諸軍分護陽安關中及陰平之橋頭以  
防漢主不聽鄧艾自狄道趣甘松沓中以連綴姜  
維雍州刺史諸葛緒督三萬人自祁山趣武街橋

頭絕維歸路鍾會統十餘萬衆分從斜谷駱谷子  
午谷趣漢中漢人聞魏兵至乃遣廖化將兵詣沓  
中為姜維繼援張翼董厥等詣陽安閔口為諸圍  
外助救諸圍皆不得戰退保漢樂二城城中各有  
兵五千人翼厥比至陰平聞諸葛緒將向建威鍾  
會率諸軍平行至漢中鍾會使李輔圍王含于樂  
城荀愷圍蔣斌于漢城會徑過西趣陽安口遣人  
祭諸葛亮墓鍾會聞閔口已下長驅而前鄧艾遣  
天水太守王頌直攻姜維營維聞鍾會諸軍已入  
漢中引兵還頌等追躡于湓川口大戰維敗走遂  
還至陰平合集士衆欲赴閔城未到聞其已破退  
趣白水遇廖化張翼董厥等合兵守劔閣以拒會  
維列營守險會攻之不能克糧道險遠軍食乏欲  
引還鄧艾上言賊已摧折宜遂乘之若從陰平由  
邪徑經漢德陽亭趣涪出劔閣西百里去成都三  
百餘里奇兵衝其腹心出其不意劔閣之守必還  
赴涪則會方軌而進劔閣之軍不還則應涪之兵  
寡矣遂自陰平行無入之地七百餘里鑿山通道  
造作橋閣山高谷深至為艱險又糧運將匱瀕于  
危殆艾以氊自裹推轉而下將士皆攀木緣崖魚

貫而進先登至江油蜀守將馬邈降諸葛瞻督諸  
軍拒艾至涪亭住不進艾遂長驅而前擊破瞻前  
鋒瞻退住綿竹列陣以待艾遂與子尚俱死之譙  
周勸後主出降後主從其計北地王諶哭于昭烈  
之廟先殺其妻子而後自殺後主又遣使喻姜維  
使降鍾會維降將士以刃擊石。陽安關口即陽  
平關陰平橋頭即今文州橋頭在白水上水經注  
云白水東北逕橋頭甘松城名在秦州其後乞伏  
國仁升以為郡今廢松中是也沓中近甘松其後  
王澄自孱陵欲奔沓中

蜀鑑卷第四

晉王濬自蜀平吳

晉武帝泰始十年吳大司馬陸抗卒

抗疾病上疏曰西陵建平國之蕃表既處上流受敵二境若敵汎舟順流星奔電邁非可恃援他部以救倒懸也此乃社稷安危之機非徒封疆侵凌小害也臣父遜昔在西垂上言西陵國之西門雖云易守亦復易失若有不守非但失一郡荊州非吳有也如其有虞當傾國爭之乞特詔簡閱使臣所部足滿八萬省息衆務併力備禦臣死之後乞

以西方為屬。西陵今峽州建平今歸州。咸寧二年征南將軍羊祜上疏請伐吳。祜鎮襄陽與陸抗對境嘗與抗連和會抗卒祜上疏曰蜀平之時皆謂吳當并亡十有三年矣蜀之為國非不險也皆云許夫荷戟于大莫當及進兵之日曾無藩籬之限東勝席卷徑至成都漢中諸城皆為柝而不敢出非無戰心誠力不足相抗也。晉及劉禪請降諸營堡索然俱散今江淮之險不知劔閣孫皓之暴過于劉禪吳人之困甚于巴蜀而大晉兵力盛于往時今若引梁益之兵水陸俱下

王荆楚之衆進臨江陵平南豫州直指夏口徐揚青兗並會秣陵以一隅之吳當天下一處傾壞則上下所備皆急巴漢竒兵出其空虛一處傾壞則上下震蕩雖有知者不能為吳謀矣咸寧四年祜病求入朝面陳伐吳之計且曰平吳之後當勞聖慮耳還鎮舉杜預為鎮南將軍都督荊州諸軍事咸寧五年益州刺史王濬上疏請伐吳羊祜以王濬為益州太守濬大治舟艦木梯蔽江而下乃上疏曰孫皓荒淫黷益宜速征伐臣作船七年日有朽敗願無失事机



太康元年王濬唐彬會杜預王渾諸軍伐吳

大舉伐吳王渾出江西杜預出江陵王濬唐彬下  
巴蜀王濬唐彬擊破丹陽吳人于江碛要害之處  
並以鐵鎖橫截之又作鐵錐長丈餘暗置江中以  
逆拒舟艦濬作大筏數十方百餘步縛草為人披  
甲持杖令善水者以筏先行遇鐵錐錐輒著筏而  
去又作大炬長十餘丈大數十圍灌以麻油在船  
前遇鎖然炬燒之須臾融液斷絕于是船無所礙

○丹陽城屬秣歸

王濬克西陵克荆門夷道二城

杜預進攻江陵克之預等分兵以益濬攻武昌克之

王濬自武昌徑趣建業入于石頭吳主皓請降

王濬既至西陵杜預與之書曰足下既摧其西藩

便當徑取建業討累世之逋寇釋吳人于塗炭亦

曠世一事也濬自武昌徑趣建業兵甲滿江旌旗

燭天威勢甚盛吳潘濬入見吳主吳主問水軍消

息對曰蜀船皆小今得二萬兵乘大船以戰自足

破之于是合衆授潘濬節鉞明日當發其衆悉潰

王渾遣信要王濬暨遇論事濬舉帆直指建業報

曰風利不得泊也是日濬戎十八萬方舟百里鼓

譟入于石頭吳主皓面縛輿觀詣軍門降。建業  
建康府石頭城在建康。論曰秦自蜀伐楚未大得志也王濬以益州之力  
破丹陽克西陵下荊州攻武昌片帆而直指建業  
遂平江東其功偉矣蜀係於上流之安危亦大彰  
明較著矣晉武之平吳用蜀之力如此而子孫之  
偏安于江東者乃棄蜀弗顧可勝責哉

### 李特入蜀

晉惠帝元康八年巴氐流入李特等自略陽入蜀  
初張魯在漢中賓人李氏自巴西宕渠往依之魏

武克漢中李氏歸之遷于略陽號曰巴氐其孫特  
庠流皆有材武閔中荐飢略陽天水等六郡民流  
移就穀入漢川者數萬家道路窮乏特兄弟振救  
之由是得衆心流民至漢中上書求寄食巴蜀詔  
書不聽勅閔禁之戶曹李苾開閔放入散在梁益  
不可禁止李特至劔閣太息曰劉禪有如此地面  
縛于人豈非庸才邪

永康九年李特入成都殺前益州刺史趙廞  
趙廞陰有據蜀之志以李特兄弟材武厚遇之詔  
徵廞為大長秋以耿滕為益州刺史廞遂殺滕自

稱益州牧任用李庠庠驍勇得衆廡心忌之會庠  
勸廡稱號廡斬之李特李流怨廡引兵軍綿竹廡  
遣費遠斷北道屯綿竹之石亭李特收兵得七千  
餘人襲遠等軍破之遂進攻成都廡走廣都為從  
者所殺

### 羅尚討李特

永寧元年詔羅尚為益州刺史

特等聞尚來甚惧以牛酒勞尚于綿竹牙門將王  
敦廣漢太守辛冉勸尚誅特尚不從  
符下秦雍召還流民入蜀者以李特為宣威將軍

朝廷符下秦雍使召還流民又遣御史督之李特  
兄輔自略陽至蜀言中國方亂不足復還特然之  
累遣天水閻式詣羅尚求權停至秋朝廷論討趙  
廡功拜特宣威將軍弟流奮威將軍皆封侯璽書  
下益州條列流民與討廡者將加封賞辛冉寢朝  
命不以寔上衆咸怨之羅尚督流民限七月上道  
時流民布在梁益為人傭力開州郡逼遣人人愁  
怨不知所為特復遣閻式詣尚求停至冬辛冉  
李苾以為不可尚舉別駕杜波秀才式為波說逼  
移利害波亦欲寬流民一年尚不從冉苾與尚謀

欲殺流民取其資貨尚移書令梓潼太守張演于諸要施閔搜索寶貨特數為流民請留流民皆相率歸特特又以計激怒之旬月之間歸特者二萬人流亦聚衆數千人特又遣關式詣尚告諸流民今聽寬矣式至綿竹勸特深阻為備特從之廣漢太守辛冉捷為太守李苾襲李特營不克特攻辛冉于廣漢冉敗奔德陽特據廣漢遂攻羅尚于成都崇寧天尚頗為特所敗乃阻長營緣郫水作營連延七百里與特相拒外

太安元年以張微為廣漢太守軍德陽特攻微取德陽以其將蹇碩守之李驤李雄進攻成都明太安二年詔荊州刺史宗岱建平太守孫阜帥水軍三萬以救羅尚阜進逼德陽特遣任臧拒之

羅尚遣兵討特斬之傳首洛陽

孫阜破德陽獲蹇碩任臧退屯涪陵

李流至成都羅尚閉城自守

李雄襲擊孫阜軍大破之宗岱卒于墊江荊州軍遂退

雄特子德陽今遂寧府墊江今合州涪陵今涪州

荆州之軍自墊江上也

李雄入成都

太安二年李雄攻殺汶山太守陳圖遂取郫城李流徙屯郫

汶山今茂州郫城今郫縣

李流卒李雄自稱益州牧治郫城

羅尚襲郫城不克退保太城

李驤攻捷為斷羅尚運道獲太守襲恢殺之

捷為時治武陽今捷為縣輿地廣記云即武陽縣

太地捷為郡由郡嘗治此而得名也近世為江鄉志

者乃謂治今彭山非是

李雄攻羅尚尚由牛鞞水東下雄入成都牛鞞今

簡州安陽縣即中水也入江陽都江

羅尚抗李雄

永興元年羅尚至江陽

尚遣使表狀詔尚權統巴東巴陵涪陵以供軍賦

尚遣別駕李興詣荆州劉弘求糧弘綱紀以運道

阻遠且荆州自空乏欲以零陵米五千斛與尚弘

曰天下一家彼此無異吾今給之則無西顧之憂

矣又遣治中何松屯巴東為尚後繼巴東今歸

州人盡出中... 羅尚移屯巴郡遣兵擊蜀獲李驤妻督氏及子壽  
巴郡治江州今夔州重慶府... 永嘉元年尚施置閔戍至漢安燹道  
漢安今資州燹道今叙州戍漢安所以防中水戍  
燹道所以防大江尚在江州而設戍于此則犍為  
南安以西皆為雄有也

秦州流民鄧定等據成固掠漢中李雄遣李離等助  
之遂陷南鄭離等引還盡徙漢中民于蜀漢中人旬  
方伯落帥吏民還守南鄭

永嘉二年雄遣將運李鳳屯晉壽以寇漢中詔以張  
光為梁州刺史治新城

晉壽漢葭萌縣昭烈改為漢壽晉秦始中改為晉  
壽新城魏文帝分漢中立新城郡治房陵

天水荀鍔琦殺雄太尉以梓潼降尚驤及琦等戰敗  
死  
永嘉四年荊州牧劉弘表譙登為梓潼內史登進攻  
宕渠殺雄巴西太守還據涪城

登譙周孫居巴西雄巴西太守馬脫殺登父登詣  
劉弘請兵復讎弘表登為梓潼內史使募三巴蜀

漢民為兵克復州郡登進攻宕渠殺馬脫食其肝  
會梓潼降登進據涪城雄自攻之為登所敗涪

城今綿州

雄以李國鎮巴西天水文石殺國以巴西降尚

巴西治閬中晉志克國宕渠安漢皆屬巴西郡

折衝將軍張羅進據犍為之合水

華陽國志云巴西蜀為語曰譙登治涪城文石在巴

西張羅守合水巴西那得前合水在今嘉定府

龍游縣青衣水出于廬山之徼外合于岷江故謂

之合水

雄遣張寶龍梓潼荀琦等奔巴西

秋七月散騎常侍都督梁益二州夷陵侯羅尚薨

論曰李特父子乘晉室之亂跳梁于蜀土一羅尚

庸人耳徒以晉室方伯之權猶能誅特而抗雄雄

雖僭號于蜀漢中三巴之地固非其有也當是時

中原政亂劉弘雖死而琅瑯在建業陶侃在武昌

平蜀之衣冠南下荊州者十餘萬譙登等猶能崛起

未以自立使江左君臣有跨荆益之規模任陶侃

以討賊之責驅蜀土之人士西歸以興復則雄豈

遂為逋誅不討之寇哉惜乎茂弘士行為謀之不

遠而遂委蜀于蠻夷也

李雄偽定蜀地

永嘉四年以皮素為益州刺史羅宇殺素于巴郡建

平都尉暴重殺宇官屬表韓松為刺史治巴東

李雄遣李驤攻譙登于涪城羅尚之子宇惡登不

給其粮皮素至巴郡欲治宇罪羅宇使人夜殺之

暴重還殺宇巴郡亂官屬表監軍韓松為刺史

永嘉五年李驤拔涪城梓潼太守譙登死之遂拔巴

西太守文石死之始定巴西梓潼地

驤攻登于涪城登食盡援絕驤攻之急士民皆薰

鼠食之餓死甚衆無一人叛者正月拔之遂乘勝

拔巴西殺文石于是巴西梓潼為雄有雄大赦改

元玉衡譙登至成都不屈雄殺之

雄遣師攻夔道犍為太守魏紀棄城走江陽太守姚

襲死之

夔道今敘州犍為治今敘州犍為縣資中牛鞞南

安諸邑皆隸焉江陽今瀘州雄始定其地

氏隗文等作亂暴重討之重殺刺史韓松自領其事

隗文等反于宜都在峽州

巴東將吏殺暴重表巴郡太守張羅行三府事羅與



隗文等戰死之表王異行刺史隗文等驅略吏民以  
降于雄

華陽國志曰巴中無復餘種矣三府事謂平羌將  
軍益州刺史西夷校尉

江陽太守張啟殺刺史王異而代之啟卒官屬表涪  
陵太守向沈代啟南保涪陵

愍帝建興元年向沈卒蜀郡太守程融等表汶山太  
守蘭維為西夷校尉維將吏民北出至巴東雄將李  
恭費黑等獲之  
于是自巴郡以東皆為雄有矣

涪陵王運巴西王建寇漢中梁州太守張光遣參軍  
晉邈擊殺之建子督楊虎收餘衆屯于厄水光遣子  
孟萇討之不克

厄水在南鄭縣東

武都氐王楊難敵遣兵救楊虎擊孟萇孟萇敗績死  
之光卒州人立胡子序領梁州楊虎難敵攻序序棄  
城走

建興二年漢中民張咸等逐楊難敵以其地降于雄  
遂定漢中

雄以李鳳為梁州刺史任回為寧州刺史李恭為荆

州刺史

以鳳理漢中回謀南中恭控巴東也

蜀人杜弼等流徙荆湘

晉太安二年益州流民十餘萬戶徙荆州

李特之亂三蜀民流迸南入東下城邑皆空野無

煙火其入荆州者十餘萬戶羈旅貧乏鎮南將軍

劉弘大給其田及種糧擢其賢才隨才授用流民

稍安

永嘉五年蜀人李驤殺樂鄉縣令南平太守應詹醴

陵令杜弼擊破之

巴蜀流民布在荆州間數為土民所侵苦蜀人李

驤聚衆據樂鄉應詹與杜弼擊破之弼字景文蜀

郡成都人祖植有名蜀土才學著稱州舉秀才為

成都別駕巴氏流民入蜀羅尚督追之弼勸尚寬

流民一年尚不從弼致秀才板歸家李特反弼避

地荆州應詹愛其才而禮之辟為醴陵令驤聚衆

屯樂鄉弼擊破之

荆州太守王澄討驤驤請降澄許而襲破之以其妻

子為賞沉八千餘人于江

益州流民起兵湘州奉杜弼為主南破零桂東掠武

昌

李驤既死流民益怨恨杜疇蹇撫等復擾湘州參軍馮素與流民汝班蹇碩等不協言于刺史荀眺曰流人皆欲反眺以為然欲盡誅流人班等惧死聚衆以應疇杜破時在湘中衆共譟眺委城走攻下郡邑

征南將軍山簡鎮夏口破具陳其事簡之卒王澄遣王机擊破不克澄徙治孱陵未嘉六年以周顛為荊州刺史王敦遣陶侃尋陽太守甘卓共擊破王敦殺王澄

顛始至州建平流民傅密等叛迎杜破破遣別將王真襲沔陽顛狼狽失據王敦誣王澄與破通信縊殺之

建興元年周顛屯潯陽破掠其人口陶侃遣朱伺救之伺大破破帥于武昌拜侃荊州刺史陶侃兵敗于杜曾王敦表侃白衣領職侃帥周訪等進擊杜破大破之復侃官

建興三年杜破移書應詹請降于瑯邪王王許之破遺應詹書曰天步艱難始自吾州州黨流移在于荆土其所遇值蔑之如遺頓伏死亡者略復過

半備嘗荼毒足下所鑒也客主難久嫌隙易結不  
謂桀卿起變出于不意時與足下思散疑結求離  
其黨帥惟恐筭不經遠力不陷堅及在湘中惧  
死求生遂相結聚欲守自衛天下小定然後輸  
誠盟府尋山公鎮夏口即具陳之此公鑒開塞之  
會察窮通之變納吾于衆疑之中非高識之覩孰  
能若此西州人士得沐浴于清流豈惟滌蕩瑕穢  
乃骨肉之施此公薨逝斯事中廢賢愚痛毒竊心  
自悼欲遣滕永大張休豫詣大府備列起事以來  
本末但恐貪功狗名之徒將讒間于聖主之聽戮  
吾使于市朝以彰叛逆之罪故未敢遣之而甘陶  
卒至水陸十萬旌旗曜于山澤舟艦侈于三川威  
則威矣然吾衆竊未以為惧晉文伐原以全信為  
本故能使諸侯歸之陶侃宣赦書而繼之以進討  
豈所以崇奉明詔示軌憲于四海逼向義之夫以  
為叛逆之虜跋思善之衆以極不赦之責非不戰  
而屈人之策也驅略烏合欲與為死者求一戰未  
見爭衡之微權也吾之赤心貫于神明西州人士  
卿粗悉之耳寧當令抱枉于時不證于大府耶昔  
虞卿不營大國之相與魏齊同其安危司馬遷明

言救李陵雖刑殘而無慨足下抗威千里聲播岷  
衡進宜為國思靜難之略退與舊交措枉直之正  
不亦綽然有餘裕乎望卿騰吾牋令時達盟府遣  
大使之臨使吾得披露肝膽沒身何恨哉伏想盟  
府必結紐于紀綱為一康于聖世使吾廁列義徒  
負戈前驅迎皇輿為閭闔掃長蛇于荒裔雖死之  
日猶生之年也若欲掃清方夏却定中原吾得一  
年之糧使沂流西歸夷李雄之逋寇修禹貢之舊  
輶展微勞以補往愆復州邦以謝鄰國亦其志也  
惟所裁處耳吾遠州寒士與足下出處殊倫誠不  
足感神交而濟其傾危但顯吾忠誠則汝嶽存忠  
順之恕衡湘無伐叛之虞惟足下宏納之望拯吾  
徒陷溺之艱焉可金玉其音哉然顯下才餘萬口  
亦勞瘁于警備思放逸于南畝矣衡岳江湘列吾  
左右若徃言有二血誠不亮益州受殃不惟鄙言  
而已詹甚哀之乃啓呈歿書并上言曰歿益州秀  
才素有清望文理既優幹事兼美徃因使流寓居  
詹郡界其真心堅白詹所委悉李驥為變樂鄉劫  
略良善歿時出家財招募忠勇登壇歃血義誠慷  
慨會驥攻燒南平歿遂東流巴漢與湘中鄉人相

遇推其素望遂相憑結論張本情非首作亂階者  
也然破湘州寔張之罪亦由兵交其間遂使滋蔓  
按張今書血誠亦至矣昔朱鮪自疑于洛陽光武  
指河水以明心鮪感義歸誠終展力報施受封侯  
之寵尚恕過錄功也詹竊謂今者當厄運之會思  
弘遠猷故齊赦射鉤之誅晉貫斬祛之戮用能濟  
翼戴之高勲隆一康之美譽况張等素無斯愆而  
稽顙投命邪以為可遣大使宣揚聖旨雲澤沾之  
于上百姓沐浴于下則上下交泰江左無風塵之  
虞矣○通鑑載張與應詹書本末今具錄如右  
蜀土流移十萬餘家離散不保此大事也豈宜略  
邪按此乃陶侃上憚王敦規模不大不能招納張  
等欲討殺以論功耳晉史以成敗論人乃謂張等請  
降于元帝帝不許觀張與詹書則先未嘗請降而  
不許也又謂張偽降于山簡皆非其寔讀史者以  
意逆志可也

以張為巴東監軍使前南海太守王運受其降諸將  
攻張不已張遂殺運遣其將王貢入武陵五谿斷官  
軍運道

張既受命諸將徇功者攻之不已張不勝憤怒殺

運復反。武陵今常德府路通五谿蠻  
陶侃應詹進攻杜弢弢將王貢出降弢遁走不知  
所在  
侃等諸軍齊進弢乃逃遁不知所在城中金寶溢  
日應詹一無所取惟取圖書莫不歎之。晉史應  
詹傳稱賊中金寶溢日應詹但取圖書豈有賊而  
載圖書者乎此皆梁益流徙之衣冠也悲夫  
論曰蜀之流民十餘萬家流徙東下劉和季在江  
陵給其田疇山季倫在夏口接其歸附庶乎招懷  
之略矣四方蹙蹙江左獨安瑯琊君臣念流離之  
及境隨才授任援之甲兵及其鋒而用之李雄僭  
號而魚復江關曾莫之守固可長驅而復舊物合  
二長以圖中原也王處仲剛愎猜忍不忠王室陶  
士行亦不知此乃以討杜弢為莫大之功振旅紀  
勲由必專據上流則亦陋矣哉愚觀士行與溫太  
真共討蘇峻獨以不與顧命為歎且恃其區區之  
糧峙欲二其勤王之誠心事之不純抑亦可知是  
雖神机明鑒克勤小物功烈之在晉者如彼其卑  
也烏得為忠順如孔明者乎然巴氏至蜀者二萬  
人耳而蜀土衣冠不務糾鄉閭為討僭逆守墳墓

之計乃輕脆易驚率然東下隕踣異鄉陷于誅死  
之罪杜弢之事其亦蜀土之永鑒歟

元溫討李勢

晉穆帝永和二年十一月荊州刺史元溫伐蜀拜表  
遂行

溫將伐蜀將佐皆以為不可袁喬勸之曰李勢無  
道臣民不附且恃其險遠不修戰備宜以精卒萬  
人輕齎疾趨比其覺之我已出其險要可一戰擒  
也蜀地富饒戶口繁庶諸葛武侯用之抗衡中夏  
若得而有之國家之大利也溫從之十一月辛未

溫帥益州刺史周撫南郡太守譙王無忌伐蜀拜  
表即行

溫軍泝魚復

諸葛亮造八陣圖于魚復平沙之上壘石為八行  
行相去二丈溫見之謂此常山蛇勢也○魚復今

夔州奉節縣

永和三年三月溫軍至青衣漢主勢遣李福李權向  
彭模督堅引兵向犍為

福等自山陽趣合水諸將欲設伏于江南以待晉  
兵督堅不從引兵自江北鴛鴦碛渡向犍為○青



衣今嘉州山陽在廣都合水今嘉定府龍游縣鴛  
鴦碕華陽國志寰宇記並載在今敘州南溪縣鴛  
堅畏温故迂路怯懦引兵自鴛鴦碕向捷為也捷  
為今敘州府捷為縣青木製主雙壘志詠志賦向  
温至彭模督堅至捷為還自沙頭濟衆潰

温至彭模議欲分為兩軍異道俱進以分漢兵之  
勢袁喬曰今懸軍深入若分兩軍萬一偏敗大事  
去矣不如全軍而進齎三日糧示無還心勝可必  
也乃自將步卒直指成都李福進攻彭模孫盛等  
奮擊走之温進遇李權三戰三捷督堅至捷為乃  
知與温異道還自沙頭津後比至温已軍成都之  
十里陌堅衆自潰。沙頭在今崇慶府新津縣彭  
模今眉州彭山縣

温長驅至成都李勢降  
勢悉衆出戰于笮橋袁喬督士卒戰大破之勢輿  
襯出降。舊史稱李勢夜遁九十里至晉壽葭萌  
城然後出降通鑑亦言走之葭萌此俱誤也成都  
去葭萌何但九十里勢降表言即日到白水城姑  
少避温鋒耳豈真走至葭萌白水者晉史大抵舛  
誤無法司馬公辨之亦時有不精耳

四月温振旅還江陵  
温留成都三十日李勢降表以三月十七日降温也。李特以惠帝元康八年入蜀特子雄雄傳姪班子期殺班李驤子壽殺期壽傳子勢六世至永和三年滅凡五十年  
論曰李雄之據蜀也北不得漢中而瞿唐灩預又無一夫之守二門悉開洞見堂與元温之沓魚復也徘徊以觀八陣之圖如入無人之境而遂制蜀之死命矣嗚呼然後知陶士行坐鎮荊州四十一年曾不加一矢于僭偽真不忠于晋室也哉

李壽縱獠于蜀

晋康帝建元元年蜀李壽從牂柯引獠入蜀

李雄時嘗遣李壽攻朱提遂有南中之地壽既篡位以邛甸未寔都邑空虚乃徙傍郡戶三丁已上以寔成都又從牂柯引入蜀境自象山以北盡為獠居蜀本無獠至是始出巴西渠川廣漢陽安資中犍為梓潼布在山谷十餘萬落時蜀人東下者十餘萬家獠遂挾山傍谷與下人參居參居者頗輸租賦在深山者不為編戶種類滋蔓保據巖壑依林履險若履平地性又無知殆同禽獸諸夷之

中难以道義招懷也。此史不載李壽縱獠而言  
獠自出未知首禍知因賴李膺益州記詳著其始  
惜司馬公之不及此也象山未知何地  
論曰蜀之衣冠流徙荆湘而名郡樂郊皆為獠居  
矣至唐末而患猶未已也文物之不逮于兩京幾數  
百年職此之由自蜀通中國以來得禍未有如是  
之酷且久也可不鑒哉

蜀鑑卷第四

終

蜀鑑卷第五

江左不用蜀

晉咸康元年詔建威將軍司馬勳將兵安集漢中漢  
主壽擊敗之壽遂置漢中守宰戍南鄭而還

永和三年荊州刺史元溫伐蜀取之蜀故將鄧定隗  
文等反入據成都征虜將軍楊謙棄涪城退保得陽  
涪城今綿州得陽今寧府

振威將軍蕭敬文殺楊謙于涪城遂取巴西通于漢

永和四年益州刺史周撫擊范贛斬之益州平

賁范長生之子隗文等立為帝  
梁州刺史司馬勳出駱谷破趙長城戍壁于懸鈎

趙主石虎死國亂雍州豪傑遣使告晉司馬勳帥  
衆赴之勳出駱谷破趙長城戍壁于懸鈎去長安

二百里使治中劉煥攻長安斬京兆太守劉秀離  
又拔賀城三輔豪傑多殺守令以應勳凡三十餘

壁衆五萬人。水經注渭水之東駱谷之水出其

晉南山洛谷水北流逕長城西

司馬勳釋懸鈎拔宛城殺趙南陽太守袁景復還梁

州

宛城南陽縣

永和十年元溫大舉伐秦遣司馬勳出子午道

溫統步騎四萬發江陵水軍自襄陽入均口至南

鄉步兵自浙川趣武關。子午道從杜陵徑漢中

均口南鄉浙川皆在今鄧州武關今商州春秋左

傳哀公四年少習即武關也

司馬勳掠秦西鄙

元溫別將進擊青泥城破之涼秦州刺史王擢攻

陳倉以應溫秦主禔遣太子養等帥衆五萬軍于

峽柳以拒溫夏四月己亥溫與秦兵戰于藍田大

敗之元中又敗秦丞相雄于白鹿原温至灞上秦太子萇退屯河南秦主健與老弱六千固守長安小城悉發精兵與萇合兵以拒温三輔郡縣皆來降耆老有垂泣者曰不圖今日復見官軍○泥水水經注北歷峽柳城魏置青泥軍于城內故謂之青泥城即峽柳関亦名藍田関白鹿原三秦記云周平王東遷之後有白鹿游此因得名並在京兆府藍田縣

秦丞相雄帥騎七千襲司馬勲于子午谷破之勲退屯女媧堡

女媧堡寰宇記云藍田山有女媧氏谷或云今金州有女媧山非也

秦丞相雄擊司馬勲于陳倉勲奔漢中

王猛謂元温曰公不遠數千里深入敵境長安咫尺而不度灞水百姓未知公心是以不至温兵不利温指秦麥以為糧既而秦人芟麥清野以待之温軍乏食六月徙関中三千餘戶而歸司馬勲自

陳倉奔漢中涼秦州刺史王擢亦奔畧陽○灞水出京兆府萬年縣灞城秦繆公所築

哀帝興寧三年益州刺史周撫卒以其子捷為太

楚代之撫在益州三十餘年甚有威惠

梁州刺史司馬勳舉兵反圍周楚于成都大司馬溫遣朱序救之

勳常有據蜀之志憚周撫不敢發及撫卒遂舉兵反引兵入劔閣圍周楚于成都

海西公太和元年荊州刺史元懿遣元巖攻南鄭討司馬勳朱序周楚擊司馬勳獲之大司馬溫斬勳傳

首建康

簡文帝咸安元年益州刺史周楚卒以寧州刺史周

仲孫為益州刺史

大司馬溫以梁益多寇周氏世有威名乃以周仲孫代楚守蜀

孝武帝寧康元年秋七月大司馬溫薨

論曰晉室南渡中原非復晉有猶曰五胡崛起力

未易支也若夫吳蜀唇齒之邦孫劉連衡用之以抗曹魏矣元溫之取蜀也擇忠信之長嚴毅之帥

藩聚其生齒教誨其人民招集其流離驅遠其蠹賊庶幾積年之汙俗咸與惟新然後命一將以出

秦川而自將以向宛洛孔明之志庶幾少伸矣哉



元冲以毛虎生為益州刺史領建平太守以虎生子球為梓潼太守虎生與球伐秦至巴西以糧乏退屯

巴東中城秦巴西治今閬州巴東治今夔州

寧康六年蜀人張育楊光起兵擊秦遣使來請兵秦王堅遣鄧羗討之

益州刺史竺瑤威遠將軍元石虔帥眾三萬攻墊江姚萇兵敗退屯五城瑤石虔巴東

五城今潼川府中江縣晉屬廣漢郡縣有五城山未故名城宮破延岑亦于此地

張育與巴獠酋帥張重尹萬等五萬餘人進圍成都秦楊安鄧羗襲育敗之八月鄧羗敗晉兵于涪西楊

安敗張重尹萬于成都南重死斬首二萬三千級鄧羗擊張育光于綿竹皆斬之

益州復入于秦。符堅雖得蜀而夔路未嘗失所以晉不久復得之也

晉孝武太元三年秦梁州刺史韋鍾圍魏興太守吉挹于西城

秦既得蜀遣長樂公丕等攻襄陽明年拔之韋鍾遂圍西城。魏興在今金州治西城縣



太元四年右將軍毛虎生帥衆三萬擊巴中以救魏  
興秦將張紹等敗之虎生退屯巴東韋鍾拔魏興吉  
挹死之

寰宇記吉挹為梁州督為符堅所敗于縣南九里  
峻山築城攻圍不下名吉挹城巴中今夔路巴東

今夔州

太元六年秦王堅以裴元畧為巴西梓潼二郡太守  
使密具舟師

秦穆帝永和三年梓潼郡僑置巴西治今綿州符堅  
乘因之

太元八年十一月符堅入寇大敗于淝水

晉復取蜀

太元八年夏五月元冲帥衆十萬伐秦遣輔國將軍  
楊亮攻蜀拔五城進攻涪城秦遣張蚝姚萇救涪城  
張蚝出斜谷亮引兵還

元冲數伐秦蜀無功而還但拔蜀兩邑。五城今  
潼川府中江縣涪城今綿州

太元九年梁州刺史楊亮帥衆五萬伐蜀遣巴西太  
守費統等將水陸兵三萬為前鋒亮屯巴郡秦遣王  
廣康回拒之

巴郡治今重慶府巴縣

姚萇擊秦王堅秦益州刺史王虬帥蜀漢之衆三萬北救長安

秦梁州刺史潘猛棄漢中奔長安

太元十年秦益州刺史王廣以李丕為益州刺史守成都廣帥所部奔還隴西蜀人隨之者三萬餘人

丕蜀人為江陽太守。秦政方亂而蜀人之歸秦者三萬人以夷獠亂其城邑而蜀不暇謀也。蜀郡太守任權攻拔成都斬秦刺史李丕復取益州以廣州刺史羅友為益州刺史鎮成都劉

裕討譙縱

晉安帝元興二年桓玄僭位益州刺史毛璩傳檄遠近討之進屯白帝

玄僭位遣使加璩散騎常侍璩執留玄使不受其命玄以栢希戍三巴以備之璩傳檄遠近列玄罪狀遣巴東太守羅述征虜司馬甄季之擊破希等仍率衆次于白帝。白帝今夔州。毛修之及馮遷斬玄于江陵

玄以乘輿幸江陵將之漢中屯騎校尉毛修之璩之弟子也誘玄入蜀遂與毛裕之費恬擊玄益州

督護漢嘉人馮遷抽刃斬玄乘輿反正于江陵  
桓振復陷江陵  
毛璩遣將攻漢中斬桓希

義熙元年毛璩帥衆三萬順流東下討桓振璩遣其  
弟瑾出外水參軍譙縱反殺毛璩于涪城璩還成都  
為縱等所殺

毛璩遣其弟瑾瑗出外水參軍譙縱侯暉出涪水  
蜀人不樂遠征暉至五城水口謀作亂縱為人和  
晉謹蜀人愛之共逼縱為主縱不可走投于水引出  
之共逼縱登輿縱又投地固辭暉縛縱于輿襲毛

璩瑾于涪城殺之璩至畧城聞變奔還成都益州營  
戶李騰開城納縱共殺璩及弟瑗。外水今大江  
也庾仲雍云江州縣對二水口右則涪內水左則  
蜀外水內外水之所以名也江州縣即今重慶府

涪水水經云出廣漢涪縣之小廣漢南入于墊江  
所謂內水也涪今綿州墊江今合州內水之原

委也五城水口在郫縣今中江縣水也中江縣自  
有一水入于涪即後漢之云廣漢郡有沈水滅宮  
嘗破延岑于此水注水經云江水又東絕綿洛逕  
五城界至廣都北岸南入于江謂之五城水口此

甚誤江水未嘗絕綿洛又逕五城而至廣都涪水亦未嘗逕五城與綿洛初無相干廣都又在五城之上非下流也舛誤甚矣大抵蜀自後漢以來由廣漢而下涪水多逕五城亦爭戰之地今中江縣也

義熙二年益州刺史司馬榮期擊譙明子于白帝破之

譙縱以弟洪為益州刺史明子為巴州刺史屯白帝

劉裕遣龍驤將軍毛修之將兵與司馬榮期等討之修之至宕渠榮期為參軍楊承祖所殺修之退還白帝

宕渠宋于墊江置東宕渠郡今合州

義熙三年毛修之與漢嘉太守馮遷擊楊承祖斬之馮遷漢嘉人守刃元玄者為鄉郡太守

劉裕表襄城太守劉敬宣伐蜀以劉道規為征蜀都督

義熙四年劉敬宣與諸將至黃虎譙縱遣譙道福拒之敬宣引軍還

劉敬宣既入峽遣巴東太守溫祚以二千入出外

水自帥益州刺史鮑陋及將軍文處茂延祖等由  
墊江轉戰而前譙縱求救于秦王秦王與遣姚賞  
王敏將兵二萬赴之敬宣軍至黃虎去成都五百  
里縱遣譙道福悉還拒險相持六十餘日敬宣不  
得進食盡軍中疾疫死者大半乃引軍還○黃虎  
在今潼川府通泉縣寰宇記云有黃濟川

義熙六年譙縱遣相譙譙道福寇荊州刺史劉  
道規大破之于枝江

謙等大陳舟師兼以步騎戰于枝江檀道濟先進  
陷陳謙等大敗道規遣斬謙○枝江今江陵府枝

江縣

譙道福陷巴東

益州刺史鮑陋卒道福陷巴東殺守戡溫祚時延

祖○巴東今夔州

義熙八年太尉劉裕以朱齡石為益州刺史帥臧熹

劉鍾等伐蜀！

義熙九年六月朱齡石從外水入成都臧熹從中水  
入廣漢

裕與齡石密謀進取曰劉敬宣往年出黃虎無功  
而退賊謂我今應從外水往而料我當出其不意

猶從內水來也如此必以重兵守涪城以備內道  
若向黃虎正墮其計今以大衆自外水取成都疑  
兵出內水此制敵之奇也裕慮此聲先馳賊知虛  
寔別有函書封付齡石曰至白帝乃開朱齡石等  
至白帝發函書曰衆軍悉從外水取成都臧熹從  
中水取廣漢老弱乘高艦十餘從內水向黃虎于  
是諸軍倍道兼行。外水都江水自江陽南安平  
模入成都內水涪水自墊江德陽黃虎上涪中水  
發源為綿洛瀘三水自江陽泝流上富義資中牛  
鞞上廣漢

論曰劉裕之發函書即岑彭自墊江還江州泝都  
江上武陽之故智也

譙道福鎮涪城

以備內外

譙縱遣侯暉譙詵帥衆萬餘屯平模朱齡石帥諸軍  
攻克之

齡石至平模去成都二百里侯暉譙詵夾岸築城  
以拒朱齡石以天時盛熱欲養銳息兵劉鍾曰不  
然賊阻兵守險者惧不敢戰也盡銳攻之其勢必  
克若緩兵相守彼知人虛寔譙道福以涪軍來我

求戰不獲軍食無資二萬餘人悉為蜀虜矣齡石從之諸將以水北城地險兵多欲先攻其南城齡石曰今屠南城不足以破北若盡銳以拔北城則南城不麾自潰矣秋七月攻北城克之斬侯暉譙

誅。平模今彭山縣  
譙撫之屯牛鞞譙小苟塞打鼻滅熹擊撫之斬之小苟聞之亦潰

牛鞞今簡州陽安縣此中水所經由也打鼻寰宇記云彭山縣有打鼻山亦名打鼻譙小苟所據也譙縱棄成都朱齡石入成都縱自殺獲譙道福于獠中斬之

蜀鑑卷第六

氏羗揚氏據武都

晉惠帝元康六年畧陽氏羗揚茂搜保仇池

初畧陽清水氏揚駒始居仇池仇池方百頃其旁

平地二千餘里四面斗絕而高為羊腸蟠道三十

六回而上其孫千萬附魏封為百頃王千萬孫飛

龍寢強盛徙居畧陽飛龍以其甥令狐茂搜為子

茂搜避齊萬年之亂十二月自畧陽帥部落四千

家還保仇池自號輔國將軍右賢王。仇池在今

成州即武都地

魏晉書地理志武都郡仇池山在武都





咸和九年仇池王楊難敵卒子毅自立為仇池公  
毅自稱左賢王下辨公以叔父堅頭之子盤為右  
賢王河池公遣使來稱藩  
咸康四年仇池氏楊初襲殺毅自立為仇池公  
初毅族弟稱臣于趙

穆帝永和九年秦攻楊初于仇池為初所敗人無  
永和十一年楊毅弟宋奴刺殺楊初初子楊國殺宋  
奴自立為仇池公元溫表國為鎮北將軍秦州刺史  
永和十二年他池公楊國從父俊殺國自立國子安  
奔秦

升平四年仇池公楊俊卒子世立  
海西公太和三年楊世稱藩于晉以世為秦州刺史  
秦以世弟統為武都太守世又稱臣于秦  
太和五年楊世卒子纂立

世始與秦絕叔父武都太守統與之爭國起兵相  
攻

簡文帝咸安元年秦西縣侯雅楊安姚萇等伐仇池  
楊統帥武都之衆降秦亦降秦以統為南秦州刺史  
秦西縣侯雅楊安姚萇等伐仇池楊纂帥五萬之  
衆拒之晉梁州刺史楊亮遣兵助纂與秦兵戰于

峽中秦兵大敗秦收散兵遁還西縣侯雅進攻仇池楊統帥武都之衆降秦秦懼面縛出降雅送秦于長安以統為南秦州刺史以楊安鎮仇池孝武帝寧康元年晉梁州刺史楊亮遣其子廣襲仇池不克

廣與楊安戰兵敗沮水諸戍皆委城奔潰亮退守大磬險九月安進攻漢州

秦王堅伐蜀陷之以楊安鎮成都王統鎮仇池

太元十年楊定自稱仇池公晉世流秦州傳其子秦以楊定為雍州牧楊定徙治歷城置儲蓄于百頃自稱龍驤將軍仇池公遣使來稱藩因其所號假之其後又取天水畧陽之地

太元十九年楊定攻西秦兵敗死定弟盛稱仇池公遣使稱藩

秦王苻崇為西秦王乾歸所逐奔隴西王楊定乾歸遣將殺定及崇定無子其叔父佛狗之子盛守仇池自稱征西將軍秦州刺史仇池公  
太元二十一年封楊盛為仇池公

晉安帝義熙元年仇池王楊盛據漢中秦秦蜀以譙縱反蜀大亂漢中空虛氏王楊盛遣其兄子平

南將軍撫據之

秦伐仇池攻漢中拔成固楊盛請降于秦秦徙流民

六三千餘家于閬中

義熙三年楊盛遣符宣入漢中刺史正敏攻之盛軍

瀘口敏退屯武興

盛復通于晉以大將軍授之。瀘口在陽平閬武

興今沔州

義熙十年後秦伐仇池不克

楊盛侵擾祁山秦王興遣趙琨等攻之姚恢出警

峽姚嵩上羊頭峽胡翼度出沂城興自雍赴之天

水太守王松忽言曰先帝神畧無方再入仇池無

功而還非楊氏智勇能全也直地勢險固爾使君

具悉形便何不表聞嵩不從琨衆寡不敵為盛所

敗

義熙十二年楊盛攻秦祁山拔之

宋武帝永初二年封楊盛為仇池王

宋文帝元嘉二年楊盛卒子玄立

盛聞晉亡不改義熙年號謂世子玄曰吾老矣終

當為晉臣汝善事宋帝及玄立使來告喪始用元

嘉年號

元嘉三年秦龐諮據武興楊難當將兵拒諮不克

難當玄弟

元嘉四年楊玄圍秦梁州刺史赫連輔政于赤水

秦民執輔政以降輔政至駱口逃還。駱谷見上注

宋水經云駱谷水南逕仇池郡

魏封楊玄為南秦王

魏遣公孫軌秦策拜玄玄不出境軌責讓之玄惧

而郊迎

元嘉六年楊玄卒弟難當廢其子保宗而自立

元嘉九年難當以保宗鎮宕昌以其子順守止却保

宗謀襲難當難當囚之

宕昌西羌國名今西和州界後五年釋保宗之囚

使鎮董亭

楊難當遣司馬飛龍寇蜀遂陰平太守益州刺史劉

道濟擊斬之

益州刺史劉道濟聚斂刻虐流民許穆之變姓名

稱司馬飛龍自云晉室親往依難當難當因民之

怨資飛龍以兵使侵擾益州道濟擊斬之蜀人趙

廣等因是為亂殺道濟以司馬飛龍為名後參軍

裴方明討平之踰年而後定

元嘉十年楊難當襲漢川據之

梁秦刺史甄法護刑政不治失氐羗之和宋帝乃自徒中起蕭思話代之楊難當因思話未至瀆護將下舉兵襲白馬又攻葭萌法護奔城奔洋川之西城遂有漢川之地。水經沔水注洋川者漢成夫人所生之地帝蠲復其鄉更名曰縣且曰洋川以表其祥

元嘉十一年蕭思話討楊難當破之復取中

蕭思話至襄陽遣蕭承之為前驅緣道收兵進據礮頭難當焚掠漢中引衆西還留趙溫守梁州薛健據廣金山思話遣陰平太守蕭坦攻鉄城戍拔之臨川王義慶遣裴方明助承之拔黃金戍溫弃州城思話擊破之健甲子退保下桃難當遣其子和將兵與蒲甲子等共擊蕭承之相拒四十餘日

蕭承之以稍擊之氐不能當走據大桃追斬獲甚衆悉收漢中故地置戍于葭萌水甄法護賜死蕭思話徙鎮南鄭初盛據漢中刺史范元之等皆治魏興惟得魏興上庸新城三郡及索邈為刺史乃治南城至是南城為氐所焚故思話徙焉。寰宇記云黃金城張魯所築水經漢水東逕小大黃金

南注云山有黃金峭水北對黃金谷有黃金戍傍山依峭險于十里氏掠漢中阻此為戍與鉄城相對一城在山上二城在山下皆容百許人以其峻險故以金鉄制名下挑城南城北城在城固皆今洋川貞符縣地或言韓信所立或言張良創築葭萌水華陽國志曰漢水有二源西源出隴西嶓冢山會泉逕葭萌入漢

元嘉十三年楊難當自稱大秦王改元健義然猶貢奉宋魏不絕其後復稱武都王魏伐楊難當于上却降之

楊難當據上却魏遣師討之先遣崔贖齎詔書諭難當難當惧請奉詔攝上却守兵還仇池難當以其子順為雍州刺史守下辨

元嘉十六年楊難當寇魏上却魏主以璽書責讓難當難當引還仇池元嘉十八年楊難當寇漢川詔裴方明討之

難當傾國入寇謀據蜀土遣符冲出東洛以禦梁州兵劉貞道擊冲斬之難當攻拔葭萌獲晉壽太守守申坦遂圍涪城劉道錫嬰城固守難當攻之十餘日不克乃還詔裴方明討之

元嘉十九年裴方明克楊難當難當奔魏以楊保熾  
守仇池仇池在漢中與劉賁道分兵攻武興下辨白  
水皆取之楊難當遣符弘祖守蘭臯使其子和將  
重兵為後繼方明與弘祖戰于濁水大破之追和  
臣赤亭又破之難當奔上邽獲其兄子保熾又獲  
子十六年之仇池平以胡崇之為北秦州刺  
史其地立保熾為楊玄後守仇池魏人以難當  
諸平城賁道方明竟坐匿金寶六馬下獄死。濁  
水水經注白水之異名也

元嘉二十年魏擊仇池取之

楊保熾走

魏殺武都王楊保宗宋立楊文德為武都王屯葭蘆  
城

楊保宗謀叛魏魏河間公對鎮維谷誘保宗送平  
城殺之鎮東司馬符達遂據兵立楊文德為主據  
白崖分兵取諸戍進圍仇池自號仇池公魏遣古  
弼擊楊文德文德退走豹子督關中諸軍至下辨  
聞仇池解圍欲還弼遣人謂豹子曰宋人耻敗必  
將復來軍還之後再舉為難不知練兵蓄力以待



之不出秋冬宋師必至豹子從之魏以豹子為仇  
池鎮將楊文德遣使來求援秋七月詔以文德屯  
葭蘆城武都陰平氏多歸之。葭蘆水經注羗水  
又逕葭蘆城南寰宇記云在文州曲水縣隴城五  
十里  
宋姜道盛楊文德合眾攻魏濁水戍不克封宗起平  
魏皮豹子等救之道盛戰死

元嘉二十四年魏人擊楊文德敗走漢中五  
楊文德據葭蘆城招誘氏羗武都等五郡氏皆應  
之魏仇池鎮將皮豹子帥諸軍擊之文德奔漢中

宋人削其爵土

元嘉二十七年取陰平平武郡以楊頭戍葭蘆

起楊文德為輔國將軍引兵自漢中西入搖動汧  
隴陰平平武悉平梁南秦刺史遣文德伐啖提氏  
不克執送荊州使文德從祖兄頭戍葭蘆

元嘉三十年蕭道成等帥氏羗攻魏武都魏鎮將苟  
莫干將突騎救之道成等引還南鄭  
孝武帝孝建二年以楊和為政勇將軍楊頭為輔國

將軍

元和保宗子也宋以其幼弱未正位號部落無定

主其族父頭先成葭蘆毋妻子弟並為魏所執而  
引為宋堅守無貳心王元謨請以頭為西秦州刺史  
安輯其衆俟元和稍長使嗣故業若其不稱即以  
授頭必能藩扞漢川使無虜患若葭蘆不守漢川  
亦不可立矣不從  
明帝泰始二年以楊僧嗣為武都王  
初武都王楊元和奔國奔魏從弟僧嗣復始立屯  
葭蘆蕭惠開渡遣兵至梁州楊僧嗣帥群氏斷其  
道間使以聞以僧嗣為武都王惠開自益州舉兵  
多任刑誅蜀人猜怨合兵圍成都上赦其罪圍亦

解

蒼梧王元徽元年楊僧嗣卒于葭蘆弟文度立降魏  
魏以文度為武興鎮將

順帝昇明元年楊文弘襲魏仇池陷之魏皮歡喜等  
討之文弘弃城走魏拔葭蘆斬楊文度以其弟文弘  
為武都王

魏皮歡喜拔葭蘆斬文度魏以楊難當族弟廣香  
為陰平公葭蘆戍主仍詔歡喜築駱谷城文弘奉  
表謝罪于魏遣子苟奴入侍

齊高帝建元元年魏葭蘆鎮主楊廣降于齊

建元二年齊以揚難當之孫後起為武都王鎮武興武帝永明四年氏王揚後起率種人集始立

集始文弘之子也後起弟後明為白水太守魏亦以集始為武都王

永明十年揚集始寇漢中至白馬梁州刺史陰智伯擊破之

集始走還武興請降于魏

明帝建武二年魏圍南鄭不克

魏仇池鎮將拓拔英圍南鄭梁州刺史蕭懿誘仇池諸氏斷其運道英全軍還

建武四年氏帥楊靈珍來降遣其弟襲武興王集始殺其二弟集同集衆集始亦來降魏遣李崇伐之克武興楊靈珍奔齊

李崇槎山分道出氏不意表裏襲之群氏皆奔楊

靈珍散歸崇進據赤土靈珍遣從弟建屯龍門自

帥精勇一萬屯鷲峽龍門之北數十里中伐樹塞

路鷲峽之口積大木聚礮石臨崖下之以拒魏兵

崇命慕容拒從它路夜襲龍門破之崇自攻鷲峽

靈珍連戰敗走獲其妻子遂克武興靈珍奔還漢

中魏主聞之喜曰使朕無西顧之憂者李崇也以

靈珍為仇池公武都王

齊東昏侯永元二年楊集始自齊降魏守武興

集始將眾萬餘自漢中北出現復舊地魏梁州刺

史揚椿遺集始書開以利害集始遂降魏魏人還

其爵位使守武興

梁武帝天監二年楊集始卒子紹先立

紹先幼國事決于二叔父集起集義

天監四年漢中太守夏侯道遷殺楊靈珍以漢中叛

降于魏

夏侯道遷為南譙太守奔魏魏使道遷從王肅鎮

壽陽以道遷守合肥肅卒道遷奔成來奔從梁州

刺史莊丘黑鎮南鄭以道遷領漢中太守黑卒詔

以王珍國為刺史未至道遷謀降于魏先是揚靈

珍來奔以為假武都王助戍漢中有部曲六百餘

人道遷憚之發兵擊靈珍父子斬之遂送于魏魏

以邢巒為征梁益諸軍事魏擊諸城戍所向摧破

晉壽太守王景嗣據石亭巒遣將擊走之巴西太

守龐景民據郡不下郡民嚴玄思附于魏攻景民

斬之楊集起集義聞魏克漢中而惧遂帥群氏叛

魏斷漢中糧道巒屢遣軍擊破之梁遣陵戍深阬

魯方達戍南安任僧報等戍石同以拒魏邢巒遣  
王足將兵擊破之遂入劔閣陵等退保潼梁州  
十四郡地東西七百里東北千里皆入于魏。石  
亭水經注漢水逕西石亭深坑在今梁州北南  
安李膺記云宋置南安在今劔州普成縣南石同  
在利州西今名石同谿按南鄭非魏能取之乃夏  
侯道遷以之降魏也然魏得仇池則漢中亦漸孤  
矣

天監五年魏執楊紹先滅之置東益州紹先稱帝集  
起集義稱王圍魏閔城邢巒使傅堅眼破之克武興  
執楊紹先送洛陽楊集起楊集義亡走遂滅其國以  
為武興鎮又改為東益州

按武都郡即今階成鳳沔文五州之地自晉惠帝  
元康六年丙辰楊茂搜據之至梁天監五年丙戌  
為後魏所滅凡二百一十一年  
論曰蜀長江之上流也褒斜漢中蜀之門戶也武  
都又漢中之藩籬也江左君臣視蜀如土梗弁髦  
然自以為長江全勢無俟乎蜀也蜀與漢中置之  
度外而區區氐羌遂得以據四州之險歷二百年  
而后亡然無武都則無漢中無漢中則無蜀蜀非

梁有一傳為陳而江左之勢孤矣已事之覆轍可不鑒乎雖然以武都四州之地而氐羗恃以立國者二百年曾謂以吳蜀之全力而不能守乎

蜀刺史始不專用武人

齊武永明二年始以始興王鑑為益州刺史

晉氏以來益州刺史皆以名將為之帝以始興王鑑為刺史先是劫帥韓武方聚黨千餘人斷流為暴郡縣不能禁鑑行至上明武方出降僚佐咸請殺之鑑曰殺之失信且無以勸善乃宥之于是巴西蠻夷為寇暴者皆望風降附鑑時年十四喜文

學器服如素士蜀人悅之○晉宋齊梁益州刺史

○晉周撫○周楚撫之子○周仲孫○羅友○司

馬執之○鮑陋○宋張茂度○劉道濟激趙廣之

變○甄法崇○周籍之○蕭惠開多任刑誅晉原

一郡反○齊始興王鑑年十四○劉俊為江淹奏

贓貨鉅萬在益州置金浴盆○梁劉季連反○魯

休烈○鄧元起○蕭淵猷○蕭淵藻○武陵王紀

十七年○見于史者十九人論曰巽巖李氏曰自

晉永和而元溫始平李氏訖梁承聖而蜀乃盡入

于周跨歷四代咸撫而有雖符堅之侵陷譙縱之

盜竊聲教暫阻而旋即討平其職貢于江東者年  
所居多而蜀士未有光顯者豈果無人當兩漢之  
際蜀人文章節義足以冠冕海內柱石帝京夫豈  
足用于兩漢而無用于晉宋齊梁者失在于不能  
招徠之也愚按蜀之士大夫狼狽於挫毀之流徒  
空虛于蠻獠之衝突非復兩京之舊矣為益州刺  
史者類無豈弟之政一始興王鑑乳臭少年粗好  
文學而蜀人已歸之邢巒所謂蜀之民望文學風  
流亦為不少率居山谷不獲仕進則流風餘俗豈  
盡泯哉李文簡公之論其亦深究當時之寔矣

魏邢巒謀伐蜀

梁天監四年魏統軍王足進攻涪城

梁將魯方達王景嗣等三十九人皆敗死蜀人震

恐益州城戍降魏者什二三民自上名籍者餘戶萬

魏梁州刺史邢巒上表請伐蜀不報魏王足奔于梁

巴西復降于梁

巒上表曰建康成都相去萬里陸行既絕惟資水  
路水軍西上非周年不達益州外無軍援一可圖  
也頃經劉季連反鄧元起敗圍資儲空竭吏民無  
復固守之志二可圖也蕭淵藻殺少年未洽治

務宿昔名将多見囚戮今之所任皆左右少年三  
可圖也蜀之所恃唯在劔閣今既克南安已奪其  
險據彼境內三分已一自南安向涪方軌無礙前  
軍累敗後衆喪魄四可圖也淵藻是蕭衍骨肉至  
親必無死理若克涪城淵藻安肯城中坐而受困  
必將望風逃去若其出鬪庸蜀士卒驚怯弓矢寡  
弱五可圖也臣內省文吏不習軍旅賴將士竭力  
頻有薄捷既克重阻民心懷服瞻望涪益旦夕可  
圖正以兵少糧匱未宜前出今若不取後圖便難  
况益州殷寔戶口十萬比壽春義陽其利三倍朝  
廷若欲進取時不可失若欲保境寧民則臣居此  
無事乞歸侍養魏主詔以平蜀之舉當更聽後敕  
寇難未夷何得以養親為辭巒又表稱昔鄧艾鍾  
會帥十八萬衆傾中國資儲僅能平蜀所以然者  
鬪寔力也况臣才非古人何宜以二萬之衆而希  
平蜀所以敢者正以據得要險士民慕義此往則  
易彼來則難任力而行理有可克今王足已逼涪  
城脫得涪則益州乃成擒之物但得之有早晚耳  
且梓潼已附民戶數萬朝廷豈可不守又劔閣天  
險得而棄之良可惜矣臣誠知戰伐危事未易可



為自軍度劍閣以來鬚髮中白日夜戰懼何可為  
心所以勉強者既得此地而自退不守恐負陛下  
之爵祿故也且臣之意筭正欲先取涪城以漸而  
進若得涪城則中分益州之地斷水陸之衝彼外  
無援軍孤城自守何能復持久哉臣今欲使軍軍  
相次聲勢連接先為萬全之計然後圖功得之則  
大利不得則自全又巴西南鄭相距千四百里去  
州迢遠常多擾動昔在南之日以其統縮勢難曾  
立屯州鎮靜夷獠梁州籍利因而表罷彼土民望  
嚴蒲柯揚非唯一族雖率居山谷而豪右甚多文  
學風流亦為不少但以去州既遠不獲仕進至于  
州綱無由厠迹是以鬱快多生異圖比道遷建義  
興之始嚴玄思自號巴州刺史克城以來仍使行事  
巴西廣袤千里戶餘四萬若于彼立州鎮攝葦獠  
則大帖民情從墊江已還不勞征伐自為國有魏  
主不從先是魏主以王足行益州刺史梁遣張齊  
將兵救益州未至魏主更以羊祉為益州刺史王  
足聞之不悅輒引兵還遂不能定蜀久之足自魏  
奔梁邢巒在梁州接豪右以禮撫小民以惠州人  
悅之巒之克巴西也使軍主李仲遷守之仲遷溺

于酒色費散兵儲公事諮承無能見者巒忿之切  
齒仲遷惧謀叛城人斬其首以城來降。南安今  
劔州普成縣涪城今綿州巴西縣晉穆帝永和  
于梓潼郡僑置巴西宋元嘉十五年割屬益州為  
巴西梓潼二郡治故涪今名巴西縣又梁益州  
梁魏爭漢中

梁天監十三年魏遣高肇督步騎侵益州梁遣任太  
洪禦之不克  
肇將步騎十五萬命傅堅眼出巴北羊祉出涪城  
奚康生出綿竹甄琛出劔閣游肇諫以為今頻年  
水旱百姓不宜勞役往昔開拓皆因城主歸欵故  
有征無戰蜀地險隘鎮戍無隙豈得虛動大軍舉  
不謹始悔將何及不從軍至晉壽蜀人震恐傅堅  
眼將步兵三萬擊巴北梁遣任太洪自陰平間道  
入其州詔誘氏羗絕魏運路會魏大軍北還太洪  
襲破魏東洛除口二戍進圍閬城堅眼遣姜喜等  
擊太洪大破之太洪奔閬城走還

天監十四年晉壽歸于梁  
傅堅眼性清素民獠懷之元法僧代之素無治幹  
加以貪殘王賈諸姓本州士族法僧皆召為兵葭

萌民任令宗因衆心之怨魏也殺晉壽太守以城  
來降民獠多應之益州刺史鄱陽王恢遣巴西梓  
潼二郡太守張齊將三萬迎之

天監十五年梁張齊圍武興魏擊敗之後取東益州  
元法僧遣其子景隆將兵拒張齊齊與戰于葭萌  
大破之屠十餘城遂圍武興法僧嬰城自守境內  
皆叛遣使告急于魏魏以傅堅眼赴之堅眼入境  
轉戰三日行二百里九遇皆捷張齊退白水梓潼  
太守苟金龍領閔城戍主梁兵至其妻劉氏拒戰  
百有餘日梁兵遂退張齊復去白水侵葭萌傅堅  
眼敗之齊走還諸戍皆弃城走東益州復入于魏  
普通六年梁蕭淵猷圍魏和安于小劔魏淳于誕擊  
敗之

淵猷圍和安于小劔遣其將樊文熾置柵于龍鬚  
山上以防歸路魏淳于誕焚其柵乘而擊之文熾  
大敗僅以身免

大同元年梁鄱陽王範樊文熾圍晉壽魏東益州刺  
史傅敬和來降晉壽歸于梁

敬和堅眼之子也  
梁蘭欽引兵敗南鄭梁州刺史元羅降南鄭歸于梁

自天監四年漢中入于魏凡三十年而歸于梁  
梁簡文帝大寶二年魏取梁南鄭

侯景之逼江陵也湘東王繹求援于魏命梁秦二  
州刺史宜豐侯循以南鄭與魏循不可魏宇文泰  
遣達奚武取漢中循遣參軍劉璠求救于武陵王  
紀紀遣潼川刺史楊乾運救之

梁元帝承聖元年梁遣兵救南鄭魏人敗之  
楊乾運至劔北達奚武逆擊破之劉璠還至白馬  
西為武所獲送長安宇文泰素聞其名待之如舊  
交時南鄭久不下武請屠之奏將許之璠請之不  
許泣請不已泰曰事人當如是當從其請  
梁州刺史蕭循以州叛降于魏

達奚武遣人入南鄭說蕭循曰足下所固者險所  
恃者援所保者民今險不足據援不可恃民不可  
保而宗國喪亂社稷無主欲誰為忠乎循乃請降  
魏賀蘭德願請攻之赫連達曰不戰而獲城策之  
上者豈可利其子女貪其貨財而不愛民命乎且  
觀其士馬猶強城池尚固攻之不克必彼此俱傷  
如困獸猶鬪則成敗未可知也武曰公言是也乃  
受循降獲男女二萬口而還于是劔北皆入于魏

○自大同二年漢中歸于梁歷二十七年而復入于魏

西魏尉遲迥取蜀

梁承聖元年武陵王紀稱帝于成都  
紀在蜀十七年南開寧州越嶲西通資陵吐谷渾  
內修耕桑鹽鐵之政外通商賈遠方之利侯景之  
叛湘東王繹起兵紀遂稱帝

承聖二年武陵王紀伐江陵魏尉遲迥伐成都以救之

紀帥諸軍東下留蕭樞守成都梁主繹甚惧與魏

書曰子糾親也請君討之宇文泰曰取蜀制梁在  
茲一舉大將尉遲迥泰之甥也獨以為可迥曰蜀  
與中國隔絕百有餘年恃其險遠不虞我至若以  
鉄騎兼行襲之無不克矣泰乃遣迥自散關伐蜀  
魏師圍成都武陵王紀還次于西陵紀衆潰梁主殺  
之

成都降魏魏以尉遲迥為益州刺史

尉遲迥圍成都五旬蕭樞屢戰皆敗乃請降諸將  
欲不許迥曰降之則將士全遠人悅敗之則將士  
傷遠人惧矣受之魏以迥為益州刺史○蜀自晉

惠帝元康八年戊午季特亂至梁承聖元年壬申  
入于西魏凡二百四十五年  
論曰蜀在江左歷晉宋齊梁若存若亡者凡二百  
年而夏侯道遷以漢中入于魏非魏能取之梁自  
亡之也歷三十年據于魏而元羅又以漢中歸于  
南又歷二十七年歸于梁而蕭循復以漢中入于  
北亦非魏能取之梁自亡之也漢中既亡而魏人  
以涪城為重鎮涪城今綿州武陵王紀空國東下  
尉遲迥擣虛而來蕭撫遂以成都降矣豈迥之威  
武足以加蜀哉蜀一也諸葛孔明以一隅之地抗  
衡中原而有餘江左諸人以吳蜀之全保蜀而不  
足果在德不在險也

...

...

...

...

...

...

...

吳果亦蘇亦蘇創也

蘇中蘇而首蘇以次蘇人以此蘇也今蘇蘇蘇不



